



Washington Office of Superintendent of
PUBLIC INSTRUCTION

*Kōjella kin Kakien ko rej
Kejbarok Maron ko an
Rijikuul im Baamle ko Aer ilo
aer bōk jibañ ko an Special
Education*

2023

KŌJELLA KIN KAKIEN KO REJ KEJBAROK MARON KO AN RIJKUUL IM BAAMLE KO AER ILO AER BŌK JIBAÑ KO AN SPECIAL EDUCATION

Mennin aikuj ko iomwin Paat B ilo Kakien eo ej Kejbarok Armj ro ewör aer Utamwe ilo Jikin Jelalokjen (Individuals with Disabilities Education Act), im Kakien ko an State ikijen Special Education

Oktoba 2023

Dr. Tania May
Ritol in Jibañ eo an Jikuul in Kien ikijen
Special Education

Ekkar komman jen ibben:

- **Special Education**
speced@k12.wa.us | 360-725-6075



Washington Office of Superintendent of
PUBLIC INSTRUCTION

LAAJRAKIN MELELE KO KOBAN

Melele ko Ekkā	6
Kōjella kin Kakien ko rej Kejbarok Maron ko an Rijikuul im Baamle ko Aer	6
Peba eo ej Kōjella kin Jemlok ko kin Aoleb Melele ko Emōj Lelok	7
Kajin eo Kwar Ruttolok Kake	8
Mael ilo Kein Jerbal Kapeel in Raan Kein	8
Kōmelim jen jinen im jemen ñan juon eo ejab maron lelok – Kōmelele ko	8
Kōmelim jen jinen im jemen ñan juon eo ejab maron lelok – Mennin Aikuj ko	9
Lelok Kōmelim nan Etale eo Kein Kajuon	9
Kakien eo Ejenolok nan Etale eo Kein Kajuon nan ro rej bed lomwin Eddo eo an State	9
Komelim eo an Jinen ak Jemen nan Jiban ko Kein Kajuon im Jolok Komelim nan an Wonmaanlok Jiban	10
Lelok Komelim jen Jinen im Jemen nan bar komman Etale	11
Peba in Kamool Wāween ko rekkar Kajeon in Bōk Kōmelim eo an Jinen ak Jemen	11
Melele ko Jet kin Lelok Komelim	11
Etale in Jikuul ko rej Komman jen Jikin ko Rejenolok	12
Komelele ko	12
Maron eo an Jinen ak Jemen nan juon IEE ilo an Kien Kolla Wonnen	12
Etale ko rej Jino jen Kajjitok ko an Jinen ak Jemen	12
Kajjitok ko ñan Etale ko rej Komman jen Jāj ro rej Komadmod Kakien (ALJ)	13
Mennin Aikuj eo jen Bukon	13
Kejbarok an Jab Diwojlok Melele Kōmelele ko	13
Melele ko rej Kalikar Armij	13
Kōjella ñan Jinen im Jemen	14
Kōjermal Maron ko	14
Rekoot kin Woñ eo emaron Lale	15
Rekoot ko Elonlok Jen Juon Ajiri	15
Laajrakin Kain im Jikin Melele ko	15
Wonnen ko	15
Kajimwe in Melele nan Rekoot ilo an Jinen ak Jemen Kajjitok	15
len nan juon len Roñjak, Mennin Aikuj ko ñan len Roñjak, im Jemlok ko an len Roñjak	15
Lelok Kōmelim ñan Kwalok Jabdewot Melele ej Kalikar Woñ Armij	16
Kakien ko rej kejbarok maron ikijen Melele ko rej Kalikar Woñ Armij	16
Ejeer, Likut, im Kakwon Melele	17
Mennin Aikuj ko ñan Jumae Abnono ko ikijen Special Education	17
len Bebe	17
Melele	17
Ejellok Kalijeklok ibben Armij eo ej Kommane len Bebe eo	18
Kwon ko Renaj Tobrak jen len Bebe	18
Oktak ko Kōtaan Etale in Abnono ko an Jukjukinbed ikijen Special Education im Komadmodin len Ronjak ko	18
Mennin Aikuj ko kin Abnono ko jen Jukjukinbed	19
Bael ae juon Abnono	19

Etale ko ñan Abnono.....	19
Etale, Kaitoklok len, Jemlok ilo Jeje.....	20
Jiban ko ñan Abnono ko.....	20
Abnono ko jen Jukjukinbed kin Special Education im Komadmodin len Ronjak ko	20
Mennin Aikuj ko kin Komadmodin len Roñjak.....	20
Melele	20
Bael.....	21
Kōjella ej Mennin Aikuj Mokta jen len Roñjak eo ilo juon Kajjitōk ñan Kōmadmōdin len Roñjak	21
Ebwe Melele ñan Kajjitōk len Roñjak	21
Kakobaba in Melele nan juon Kajjitok nan len Ronjak.....	22
Uwaak eo an Bukon nan Kajjitok eo nan juon Komadmodin len Ronjak.....	22
Uwaak eo an Pade eo Juon nan Kajjitok eo nan juon Komadmodin len Ronjak	22
Waan Joñak in Pebako 34 CFR §300.509; WAC 392-172A-05085	22
Jikin eo rej Likut Rijikuul ilo len Kattare Jemlok eo an Komadmodin len Roñjak.....	23
Madmodin Jemlok.....	23
Kwelok eo an Jemlok.....	23
len Jemlok.....	24
Oktak ko an len Jemlok ej 30 Raan.....	25
Bebe in Tobrak eo ilo Jeje	25
len Etale Bebe eo	25
Komadmodin len Ronjak Ejellok Kalijeklok.....	25
Melele	25
Jāj ro rej Komadmod Kakien (ALJ).....	25
Melele eo an Komadmodin len Ronjak.....	26
Laajrakin Jonan len nan Kajjitoke juon len Ronjak.....	26
Emoj Komelim Ejab Mennin Aikuj nan Laajrakin len.....	26
Maron ikijen len Ronjak.....	26
Melele	26
Melele ko Jet Renaj Kwalok	26
Maron ko an Jinen im Jemen ilo len Ronjak ko	27
Laajrakin len im Kabidodo len Ronjak ko	27
Jemlok ko jen len Ronjak	27
Jemlok eo an ALJ	27
Melele kin Maron im Jerbal ko an Aoleb Pade.....	27
Kajjitok eo Ejenolok nan juon Komadmodin len Ronjak	27
Melele ko Emoj Loe im Jemlok nan Kumi eo ej Lelok Rojan im Armij ro llobelej.....	28
Jemlok eo Alikтата; Jumae	28
Komadmod ilo jikin ekajet ikotaan ruo ak elonlok pade, Ekoba Jonan len an Bael Komadmod ko.....	28
Melele	28
Joñan Jemlok an len	28
Mennin Aikuj ko Relablok	28
Kakien ko an Jikin Ekajet.....	29

Wonnen ko an Loar.....	29
Melele	29
Lelok Wonnen Ko	29
Mennin Aikuj ko kin Katak ko kin Bōd ñan Rijikuul ro Remaron Tobrak ñan Special Education...	30
Maron eo an Rijerbal eo an Jikuul	30
Jemlok eo an Kajojo Keij.....	31
Melele	31
Oktak Jikin eo rej Likut kin Komakut ko ikijen Katak kin Bōd	31
Kojella.....	31
Jibañ ko	32
Melele ko ñan Tomak Wūnin an Walok.....	32
Jemlok eo ke Ewōr Tomak Wūnin an Walok Manit eo ej kin Utamwe eo an Rijikuul	33
Maron eo Juon.....	33
Waween ko Rejenolok	33
Komelele ko	34
Emoj Loe Jikin Eo.....	34
Jumae Jemlok ko kin Jikin ko Rej Likut Rijikuul im Melele ko ñan Tomak Wūnin an Walok (Mennin Aikuj ko nan Komadmodin len Ronjak nan Katak kin Bōd)	34
Maron eo an Jāj ro rej Komadmod Kakien (ALJ).....	35
Jikin eo Renaj Likut ilo Komadmodin len Ronjak ko Emoj Komokajlok	35
Kakien ko rej Kejbarok Rijikuul ro Rejanin de Tobrak ñan Special Education im Jiban ko Mottan	35
Melele	36
Wūnin Jela kin Melele ko ikijen Katak kin Bōd	36
Emoj Komelim Ejab Aikuj.....	36
Waween io rej Jerbal elañe Ejellok Wunin Jela.....	36
Lemaanlok im Komadmod jen ibben Bulijmaan im Rijerbal ro ilo Jikin Ekajet 5	37
Lemaanlok Rekoot.....	37
Mennin Aikuj ko ñan an Jinen ak Jemen wōt Likūt Rijikuul ro ilo Jikuul ko Rejab an Kien im Kien ej Kolla Wonnen aer Jikuul Ilo ien Ewōr Abnono kin FAPE	37
Karoollok Wonnen Likut Ajiri eo ilo Jikuul eo Ejab an Kien	37
Jemlokin len Karool Waj Wonnen	37
Mennin Jibañ ko	37
Kōjella kin Kakien	37

MELELE KO EKKĀ

Kakien eo ej Kejbarok Armj ro ewör aer Utamwe ilo Jikin Jelalokjen (Individuals with Disabilities Education Act, IDEA) an 2004, ikijen an rijikuul ro ewör aer utamwe, aikuj an jikuul ko lewaj ñan kwe, jinen im jemen juon rijikuul eo ewör an utamwe, ak ewör lomnak elõñ an utamwe, juon kõjella kin aoleben kõmelele ko kin maron ko am iomwin IDEA im ibben Department of Education Mötta Kakien ko an Federal jen Ra eo an Jelalokjen (Code of Federal Regulations, CRF) ilo Amedka. Office of Superintendent of Public Instruction (OSPI) ej lale aoleb kakien ko an state im rej bedbed ion special education. Jemaron loe kakien ko ilo Jepta 392-172A Kakien in Kõmadmõd an Washington (Washington Administrative Code, WAC). Peba in ekoba Waanjoñak eo an Department of Education (Ra eo an Jelalokjen) an Amedka *Kõjella kin Kakien ko rej Kejbarok Maron ko an Rijikuul im Baamle*, im emõj kõkkaal kobban ilo Juun 2009.

Kõjella in ej ñan jinen im jemen, ro rej binej jenkwān jinen im jemen, im rijikuul ro rerütto. Naan ko rej ba “kwe” ak “jinen ak jemen” im “ajiri eo nejum” ej bar kenono kin ro rej binej jenkwān jinen im jemen im rijikuul rütto ro. Melele ko rej walok ilo kõjella in “bukon eo an jikuul” ak “bukon” ekoba jikuul in jata ko, im opij ko jet an kien, einwõt bukōn ko rej lelok jibañ ikijen jelalokjen im opij ko rej lelok jibañ ikijen jelalokjen.

melele ko jet kin jiban in special education im Kakien ko rej Kejbarok Maron ko an Rijikuul im Baamle ewör ilo am kebaak director eo an special education an bukōn in jikuul eo am, jikin katak kaminene im melele eo an state ñan jinen im jemen rijikuul, Partnerships for Action Voices for Empowerment (Doulu eo ej Kakoba Jikin ko rej Jerbal Ibben Doon ñan Lelok Kakajur, Washington PAVE), ñe ejab ibben OSPI. OSPI ej lale web peij eo ej kwalok melele ko kin special education ilo [Office of Superintendent of Public Instruction – Special Education](#). Ewör an OSPI supervisor in burokraam im jinen im jemen rijikuul ro rej special education im ro jet rej kõlaajrak melele ñan jukjukinbed remaron jiban kwe kin kajjitök ko am ikijen burokraam in special education eo an ajiri eo nejum. Kwõmaron tobare OSPI, Special Education ilo 360-725-6075, OSPI TTY 360-664-3631, ak [OSPI Special Education Email](#).

Kõjella kin Kakien ko rej Kejbarok Maron ko an Rijikuul im Baamle ko Aer

34 CFR §300.504; WAC 392-172A-05015

Rej aikuj lewaj kabe in kõjella in ñan kwe aoleb ien ejino juon iio in jikuul, im: ilo ien enaj kõmman juon jeral in lemaanlok ñe ejab kwõnaj kajjitök juon etale; ilo ien an bukōn eo loe abnono eo am kein kajuon kin special education eo ilo jukjukinbed iloan iio in jikuul eo; ilo ien an bukōn eo loe kajjitök eo am kein kajuon ñan juon kõmadmõdin ien roñjak iloan iio in jikuul eo; ilo ien enaj kõmman juon jemlok ñan lelok juon katak kin bõd im ej kõmman an oktak jikin eo rej likut rijikuul eo nejum; im ilo ien kwõnaj lelok kajjitök.

Kõjella kin Kakien ko rej Kejbarok Maron ko an Rijikuul im Baamle in ekoba aoleben kõmelele ko kin Kakien ko rej kejbarok maron ko an rijikuul im baamle ikijen an juon likut ajiri eo nejum ilo jikuul eo ejab an kien ilo an kien kolla wonnen, mennin aikuj ko nan lelok abnono jen jukjukinbed ikijen special education, peba eo ej lelok komelim ikijen armij eo ejab maron, melele kin kakien ko rej

kejbarok maron im rebed iloan Jikin eo mottan kakien ko ilo Paat B in IDEA, im kakien in melele ko rej kejbarok an jab diwojlok melele ilo Jikin eo motaan Paat F in kakien ko an IDEA ilo Paat B. Bukon ko remaorn kelet in kojerbal Kojella in ne ejab kommane *Kōjella kin Kakien ko rej Kejbarok Maron ko an Rijikuul im Baamle* aer make nan jinen im jemen rijikuul.

Peba eo ej Kōjella kin Jemlok ko kin Aoleb Melele ko Emōj Lelok

34 CFR §300.503; WAC 392-172A-05010

Bukon in jikuul eo am aikuj lewaj melele in ñan kwe ilo jeje kin jemlok ko aurok im rejelot burokraam in special education eo an ajiri eo nejum. Etan peba in ej juon kōjella kin jemlok ko kin aoleb melele ko emōj lelok (prior written notice, PWN) im ej juon peba eo ej kwalok kelet ko rekkar kommane ilo kwelok eo ak jen bukun eo ilo aer uwaake kajjitō eo kwar lelok. **Bukon eo aikuj jilkinwaj juon peba eo ej kōjella kin jemlok ko kin aoleb melele ko emōj lelok alikin an kōmman juon jemlok, bōtab mokta jen an jejjet kutien jemlok eo.** Jemlok kein rej ikijen bebe ak jab bebe in jino ak janiji melele eo enaj kalikar, etale, katak, ak kakien aer lelok jikuul in kien eo ekkar (free appropriate public education, FAPE) nan ajiri eo nejum.

Aikuj koba ibben peba eo ej kōjella kin jemlok ko kin aoleb melele ko emōj lelok:

- Ta eo bukun eo ej bebe ak jab bebe in kōmmane;
- Juon kōmelele kin wunin an bukun eo bebe ak jab bebe in kōmmane jermal eo;
- Juon komelele kin jabdewot waween ko kumi eo ej komadmode burokraam in jikuul eo emoj kojelok an juon (individualized education program, IEP) ekkar watoke im wunin aer kar jab kotobrak waween ko;
- Juon komelele kin kajojo mennin aikuj nan etale, teej, rekoot, ak ripoot eo rar kojerbal nan wunin komadmod eo;
- Kōmelele kin jabdewot waween ko rekkar nan komadmod eo;
- Juon komelele kin jabdewot mennin aikuj in etale bukun eo ear bebe in kommane nan etale eo kein kajuon im jabdewot bar etale ko jet;
- Juon peba in kamool ke ewor kejbarok iomwin kakien nan jinen im jemen jen Kakien ko rej Kejbarok Maron ko an Rijikuul im Baamle im emoj komelele ilo bok in;
- Waween am maron loe juon kabe in bok in *Kōjella kin Kakien ko rej Kejbarok Maron ko an Rijikuul im Baamle*; ne ejab juon kabe in bok in *Kōjella kin Kakien ko rej Kejbarok Maron ko an Rijikuul im Baamle ikijen aer bōk jibañ in Special Education* elane rejanin lewaj juon am; im
- Jikin ko kwomaron kebaak nan am bok jiban nan melele Kakien kein rej kejbarok Maron ko an Rijikuul im Baamle.

Waan jonak ko kin naat eo kwonaj loe kojella kin jemlok ko kin aoleb melele ko emoj lelok rej:

- Bukun eo ekonaan etale ak bar etale ajiri eo nejum, ak bukun eo ej bebe in etale ak bar etale ajiri eo nejum.
- IEP ak katak ko an ajiri eo nejum ej oktak.
- Emoj am kajjitok oktak im bukun eo ej makoko in kommane oktak eo.
- Emoj am lelok nan bukun eo kojella kin jemlok ko kin aoleb melele ko emoj lelok im kwoj jolok komelim eo nan ajiri eo nejum bwe en bok jiban ko an special education.

Kojella kin jemlok ko kin aoleb melele ko emoj lelok aikuj jeje ilo kajin eo elon armij ro ilobelej remelele im rej aikuj lewaj ilo kajin eo am make ñe ejab ilo waween eo kwoj leto letak melele, ijellokun rejab maron lewaj ilo waween eo. Ñe kajin eo kwar ruttolok kake ak waween lewaj melele eo juon ejellok jeje ilo kajin eo, bukon eo emaron bukot waween ko nan lolorjak ke: (1) kojella eo enaj ukok ilo kenono ak ilo waween ko jet ilo kajin eo kwar ruttolok kake ak ilo bar juon waween lewaj melele; (2) kwomelele kobban kojella eo; im (3) ewor kamool ilo jeje ke mennin aikuj ko iwomin (1) im (2) emoj aer tobrak.

Kajin eo Kwar Ruttolok Kake

34 CFR §300.29; WAC 392-172A-01120

Kajin eo kwar ruttolok kake, ilo ien rej kojerbal ibben juon armij eo ej katak Kajin Belle, melelein:

1. Ñe kajin eo ekka an juon armij kojerbale, ak ikijen juon ajiri, kajin eo ekka an jinen im jemen ajiri eo kojerbale.
2. Ilo aoleb waween ko nan kebaak ajiri eo (ekoba etale ajiri eo), kajin eo ekka an ajiri eo kojerbale ilo mweo imon ak ilo jikin katak eo.

Nan juon armij eo epilo ak ejaronron ak ejab emmon an ronjak, ak juon armij eo ejellok jeje ilo kajin eo an, waween leto letak melele eo ekka an armij eo kojerbale (einwot kajin kakolle, Braille, ak leto letak melele ilo kenono).

Mael ilo Kein Jerbal Kapeel in Raan Kein

34 CFR §300.505; WAC 392-172A-05020

Ne bukon eo am ej lelok bwe jinen im jemen ren kelet waween aer loe peba ko kin email, kwomaron kelet in loe melele kein laajrak ilo email:

1. Kojella kin jemlok ko kin aoleb melele ko emoj lelok
2. *Kōjella kin Kakien ko rej Kejbarok Maron ko an Rijikuul im Baamle*; im
3. Kojella ko ikijen kajitok eo nan juon komadmodin ien roñjak.

Kōmelim jen jinen im jemen ñan juon eo ejab maron lelok – Kōmelele ko

34 CFR §300.9; WAC 392-172A-01040

Lelok komelim ej melelein:

1. Emoj lewaj aoleb melele ilo kajin eo kwar ruttolok kake ñe ejab ilo bar juon waween lewaj melele (einwot kajin kakolle, Braille, ak lewaj melele ilo kenono) kin aoleb melele ko ikijen komadmod eo nan ta eo kwoj lelok komelim kake;
2. Kwomelele im erra ilo jeje kin komamod eo, im komelim eo ej komelele kin komadmod eo im ej kolaajrak rekoot (elane ewor) renaj lelok im nan woñ; im
3. Kwomelele ke am bebe in lelok komelim, im kwomaron jolok (kaboajak) komelim eo am jabdewot ien.

Ne kwoj lomnak in kabojrak komelim eo am alikin an ajiri eo nejum jino bok jiban ko ikijen special educaiton, kwoj aikuj kommane ilo jeje. Am kabojrak komelim eo ejab jolok (ukot) jabdewot komadmod eo ekkar jinoe alikin am lelok komelim eo am im mokta jen am kar joloke. Im

bareinwot, bukon in jikuul eo ejab aikuj komman oktak (janiji) rekoot in jikuul ko an ajrii eo nejum nan jolok jabdewot melele kin an ajiri eo nejum ebok jiban ko an special education.

Kōmelim jen jinen im jemen ñan juon eo ejab maron lelok – Mennin Aikuj ko 34 CFR §300.300; WAC 392-172A-02000; WAC 392-172A-03000

Lelok Kōmelim nan Etale eo Kein Kajuon

Bukon in jikuul eo am eban kommane etale eo kein kajuon nan ajiri eo nejum nan lale elane emaron ebok jiban ko an special education im jiban ko jet mottan mae ien kwonaj lelok kojella kin jemlok ko kin aoleb melele ko emoj lelok ej komelele kin makutkut in etale ko kwoj bebe im bok komelim eo am ewor aoleb melele im ilo jeje. Bukon in jikuul eo am aikuj katte ilo an boke komelim eo am nan etale eo kein kajuon nan lomnak elane ajiri eo nejum emaron bok jiban ko an special education.

Komelim eo am nan etale eo kein kajuon ejab melelein emoj am lelok komelim eo am nan an bukon eo jino lelok jiban ko an special education im jiban ko mottan nan ajiri eo nejum. Bukon in jikuul eo aikuj bar bok komelim eo jen kwe nan lelok jiban ko an special education im jiban ko mottan an ajiri eo nejum ilo ien eo kein kajuon.

Ne emoj kadelon etan ajiri eo nejum ilo jikuul in kien ak kwoj kajeon kadelon etan ajiri eo nejum ilo jikuul in kein im emoj am makoko in jab lelok komelim, ak kwar likjab in uwaake kajjitok eo nan lelok komelim nan etale eo kein kajuon, jekdoon ejab mennin aikuj, bukon eo am **emaron** kajeon in bok komelim eo am ilo an kojerbal ien bebe in kenono ak komadmodin ien ronjak ko, einwot emoj komelele ilo jikin ko tokelik ilo kojella in. Bukon eo am eban rupe eddo ko an nan bukot, kalikar, im etale ajiri eo nejum elane enaj kelet in jab wonmaanlok kin etale eo an ajrii eo nejum ilo waween in.

Kakien eo Ejenolok nan Etale eo Kein Kajuon nan ro rej bed Iomwin Eddo eo an State

Ne ajiri eo nejum ej bed iomwin eddo eo an state im ejab jokwe ibbam, bukon in jikuul eo ejab aikuj komelim jen kwe nan etale eo kein kajuon nan lale elane ajiri eo nejum emaron tobrak nan jiban ko an special education elane:

1. Jekdoon waween ko emmon jonan nan kommane, bukon eo ejab maron loe kwe;
2. Emoj kabojrak maron ko am einwot jinen ak jemen ekkar nan kakien eo an state; ak
3. Emoj an jāj eo lelok maron eo nan kommane kelet ko ikijen jelalokjen nan bar juon armij im ejab kwe im armij eo emoj an lelok komelim nan etale eo kein kajuon.

Juon eo *ej bed iowmin eddo eo an state*, einwot an jerbal ilo IDEA, melelein ajiri eo ej:

1. Juon ajiri in foster ejab bed ibben jinen ak jemen ilo foster;
2. Emoj watoke ej bed iomwin eddo eo an state iomwin kakien eo an Washignton state; ak

3. Ej bed iomwin eddo eo an Department of Children, Youth, and Families ak opij eo an bar juon state ej bok eddoin kakien ko rej kejbarok ainemmon im ejmour eo an ajiri.

Juon eo ej bed iomwin eddo eo an state ejab koba juon ajiri in foster eo ewor juon jinen ak jemen ilo foster.

Komelim eo an Jinen ak Jemen nan Jiban ko Kein Kajuon im Jolok Komelim nan an Wonmaanlok Jiban

Bukon in jikuul eo am aikuj katte ilo an bok komelim eo am ilo jeje im aikuj bok komelim eo am ilo jeje mokta jen an lelok jiban ko an special education im jiban ko mottan nan ajiri eo nejum ilo ien eo kein kajuon.

Ne kwojab uwaake kajjitok eo nan lelok komelim eo am nan an ajiri eo nejum ebok jiban in special education im jiban ko mottan nan ien eo kein kajuon, ak ne kwonaj makoko in lelok komelim in, bukun eo emaron jab kojerbal ien bebe nan an kajeon am erra ak kojerbal komadmodin ien ronjak nan an bok kakien jen juon jāj eo ej komadmod kakien nan lelok jiban in special education im jiban ko mottan nan ajiri eo nejum.

Ne kwonaj makoko ak kwojab uwaake kajjitok eo nan lelok komelim eo am nan an ajiri eo nejum ebok jiban in special education im jiban ko mottan nan ien eo kein kajuon, bukun in jikuul eo emaron jab lelok jiban in special education im jiban ko mottan nan ajiri eo nejum. Ilo waween in, bukun in jikuul eo am:

1. Ejab rup mennin aikuj eo nan lelok jikuul in kien eo ekkar im ejellok wonnen (FAPE) nan ajiri eo nejum kinke rej likjab in lelok jiban ko nan ajiri eo nejum; im
2. Ejab mennin aikuj bwe en wor juon kwelok in IEP ak komman juon IEP nan ajiri eo nejum nan jiban ko an special education im jiban ko motta im emoj kajjitok am lelok komelim.

Ilo ien eo emoj am lelok komelim ilo jeje bwe ajiri eo nejum en ebok jiban in special education im jiban ko motta im bukun eo enaj jino lelok jiban ko an special education, ajiri eo nejum enaj wonmaanlok an maron tobrak in ebok jiban in special education mae:

1. Renaj bar etale ajiri eo im loe ejab an maron tobrak nan jiban ko an special education;
2. Ajiri eo enaj kadiwojlok kin juon tiploma in high school eo ekka;
3. Ajiri eo enaj tobar 21 an iiō (ak elane ajiri eo nejum enaj 21 an iiō alikin Okwoj 31, remaron tobrak nan jiban ko nan jemlokin iiō in jikuul eo.); ak
4. Kwonaj lelok ilo jeje nan bukun eo am jolok komelim eo am nan an wonmaanlok kakien in jiban ko an special education.

Ne kwonaj jolok komelim eo am ilo jeje nan an wonmaanlok kakien ko nan jiban alikin an bukun eo jino lelok jiban ko ikijen special education, bukun eo aikuj lewaj nan kwe juon *kojella kin jemlok ko kin aoleb melele ko emoj lelok* iomwin ien eo emmon mokta jen an kabojrak an lelok jiban in special education nan ajiri eo nejum. *Kojella kin jemlok ko kin aoleb melele ko emoj lelok* enaj koba raan eo bukun eo enaj bojrak an lelok jiban ko nan ajiri eo nejum im enaj *kojellaik* kwe ke bukun eo an jikuul:

1. Ejab rup mennin aikuj eo nan lelok jikuul in kien eo ekkar im ejellok wonnen (FAPE) nan ajiri eo nejum kinke rej likjab in lelok jiban ko nan ajiri eo nejum; im
2. Ejab mennin aikuj nan an wor juon kwelok in IEP ak komman juon IEP nan ajiri eo nejum nan bar kakien jiban ko an special education.

Bukon eo emaron jab kojerbal madmodin ien ronjak nan kojekdoon kabojrak eo am ilo jeje ne ejab kojerbal mennin aikuj ko nan ien bebe nan am erra in wonmaanlok in lelok jiban in special education nan ajiri eo nejum. Alikin an bukun eo kabojrak an lelok jiban in special education nan ajiri eo nejum, renaj watoke ejako an ajiri eo nejum maron tobrak nan jiban ko an special education im ej loor mennin aikuj ko ikijen jikuul im rej nan aoleb rijikuul. Kwe ak ro jet rejela kin ajiri eo nejum, ekoba bukun eo an jikuul, emaron lemaanlok ajiri eo enjum nan etale eo kein kajuon ilo jabdewot ien alikin am jolok komelim eo am nan an ajiri eo nejum ebok jiban in special education.

Lelok Komelim jen Jinen im Jemen nan bar komman Etale

Ne teej kaal eo enaj komman einwot mottan etale eo juon an ajiri eo nejum, bukun eo am aikuj bok komelim eo am mokta jen an bar etale ajiri eo nejum, ijellokun ne bukun eo am emaron kwalok ke:

1. Rekkar kommane waween ko emmon jonan nan bok komelim eo am nan aer bar etale ajiri eo nejum; im
2. Kwar jab uwaak.

Kwar makoko in lelok komelim nan teej eo ekaal im ej mottan etale eo juon an ajiri eo nejum, innem bukun eo emaron, botab ejab aikuj, wonmaanlok in bar etale ajiri eo nejum ilo an kojerbal mennin aikuj ko kin ien bebe ilo am komelim ak kojerbal mennin aikuj ko an komadmodin ien ronjak nan kojekdoon am makoko in lelok komelim nan bar etale ajiri eo nejum. Kin etale ko kein kajuon, bukun eo ejab rupe eddo ko an iomwin Paat B eo an IDEA elane enaj makoko in wonmaanlok in bar etale ilo an kojerbal ien bebe ak mennin aikuj ko kin komadmodin ien ronjak.

Peba in Kamool Wāween ko rekkar Kajeon in Bōk Kōmelim eo an Jinen ak Jemen

Jikuul eo am aikuj kejbarok peba in kamool ko rej kalikar aer kar kajeon in bok komelim eo am nan etale ko kein kajuon, nan lelok jiban in special education im jiban ko jet mottan nan ien eo kein kajuon, nan kommane etale eo juon ekoba teej kaal, im bukot jinen im jemen ajiri ro rej bed iomwin eddo eo an state nan aer kommane etale ko kein kajuon. Peba in kamool aikuj koba rekoot ko rej kwalok an bukun eo kajeon ilo waween kein, einwot:

1. Tibdikin melele ko jen kall ko ilo talebon ak aer kajeon in kar kall im ta tobrak in kall ko;
2. Kabe in peba ko emoj kar jilkinwaj nan kwe im jabdewot uwaak ko kwar loe; im
3. Tibdikin melele kin ien ko rekkar iwoj nan mweo imom ak jikin jermal im ta tobrak in ien ko rekkar iwoj.

Melele ko Jet kin Lelok Komelim

Komelim eo am ejab mennin aikuj mokta jen an bukun eo am maron:

1. Etale melele ko ewor kiō im rej mottan etale eo an ajiri eo bejum ak etale eo juon; ak
2. Lelok juon teej ak bar juon etale nan ajiri eo nejum im rej lelok nan aoleb rijikuul ijellokun, mokta jen teej ak etale eo juon rej lelok, aikuj etal komelim jen jinen im jemen aoleb rijikuul.

Ne emoj am kadelon etan ajiri eo nejum ilo juon jikuul ejab an kien ilo am make kolla wonnen ak ne kwoj kajikuul ajiri eo nejum ilo mweo imom, im kwojab lelok komelim nan an ajiri eo nejum kommane etale ak bar etale ilo ien eo kein kajuon, ak ne kwonaj likjab in uwaake kajitok eo nan lelok komelim eo am, bukun eo emaron jab kojerbal mennin aikuj ko nan ien bebe nan am erra ak kojerbal mennin aikuj ko nan komadmodin ien ronjak nan kojekdoon am makoko. Bukun eo ejab

bar aikuj lomnak ke ajiri eo nejum emaron tobrak in boke jiban ko rej jonan wot jikuul ko rejab an kien, im rej jiban ko ewor nan jet rijikuul ro ilo jikuul ko ejab an kien im jineir im jemeir rekhar make kajikuuli ajiri ro nejeir im remaron tobrak nan special education.

Etale in Jikuul ko rej Komman jen Jikin ko Rejenolok 34 CFR §300.502; WAC 392-172A-05005

Ewor am maron in bok juon etale in jikuul jen jikin eo ejenolok (independent educational evaluation, IEE) nan ajiri eo nejum elane kwojab erra kin etale eo ekkar komman jen bukun eo am. Ne kwonaj kajjitok juon IEE, bukun eo aikuj lewaj melele nan kwe kin ia eo kwomaron bok juon IEE im kin mennin aikuj ko an bukun ikijen IEE ko.

Komelele ko

- *Etale in jikuul jen jikin eo ejenolok* (IEE) ej melelein juon etale eo ej kommane jen armij eo emoj kile an komman etale im ejab jermal ibben bukun eo an eddo in kajikuuli ajiri eo nejum.
- *Kien ej kolla wonnen* ej melelein bukun eo ej kollaiki aoleben wonnen etale ne ejab ej loloorjak aer lewaj etale eo nan kwe ilo am jab kolla wonnen.

Maron eo an Jinen ak Jemen nan juon IEE ilo an Kien Kolla Wonnen

Ewor am maron nan juon IEE an ajiri eo nejum ilo an kien kolla wonnen elane kwojab erra kin etale eo bukun eo ear kommane nan ajiri eo nejum, ilo an loor waween ko laajrak:

1. Ne kwoj kajjitoke juon IEE nan ajiri eo nejum ilo an kien kolla wonnen, bukun in jikuul eo am aikuj, iloan 15 raan in kajjitok eo am, **emaron:** (a) bael kajjitok nan komadmodin ien ronjak ej kwalok etale eo ear kommane nan ajiri eo nejum ekkar ne ejab etale eo an ajiri eo nejum im kwar boke ejab kotobrak mennin aikuj ko an bukun; **ne ejab** (b) erra in lelok juon IEE ilo an kien kolla wonnen.
2. Ne bukun in jikuul eo am enaj kajjitok juon komadmodin ien ronjak im jemlok eo aliktata ej ke etal eo an bukun nan ajiri eo nejum ekkar, ej wor wot am maron nan juon IEE, botab kien ejab kolla wonnen.
3. Ne kwonaj kajjitok juon IEE nan ajiri eo nejum, bukun in jikuul eo am emaron kajjitok ta wunin am jab kotobrak an bukun eo kommane juon etale. Botab, bukun eo emaron jab aikuj juon komelele im emaron jab karumij an lewaj juon IEE nan ajiri eo nejum im kien ej kolla wonnen ak bael kajjitok nan juon komadmodin ien ronjak nan kamool etale eo an ajiri eo nejum jen bukun.

Ewor wot am maron in kajjitoke juon IEE nan ajiri eo nejum im kien ej kolla wonnen kajojo ien an bukun in jikuul eo am kommane juon etale nan ajiri eo nejum im kwojab erra kake.

Etale ko rej Jino jen Kajjitok ko an Jinen ak Jemen

Ne kwonaj bok juon IEE nan ajiri eo nejum ilo an kien kolla wonnen ak kwoj lelok juon IEE eo kwar make kolla wonnen nan bukun:

1. Bukun eo am aikuj lomnak kin jemlok ko ilo IEE eo ilo jabdewot jemlok eo enaj komman nan kakien in FAPE eo nan ajiri eo nejum, elane enaj kotobrak mennin aikuj ko an bukun ikijen IEE ko; im

2. Kwe ak bukon eo am emaron kwalok IEE eo einwot kein kamool ilo komadmodin ien ronjak eo ikijen ajiri eo nejum.

Kajjitok ko ñan Etale ko rej Komman jen Jāj ro rej Komadmod Kakien (ALJ)

Ne juon Jāj ro rej Komadmod Kakien (Administrative Law Judges, ALJ) enaj kajjitok IEE eo an ajiri eo nejum einwot mottan komadmodin ien ronjak eo, wonnen etale eo aikuj kolla jen kien.

Mennin Aikuj eo jen Bukon

Be juon IEE enaj kolla jen kien, mennin aikuj eo kin waween aer bok etale eo, ekoba jikin etale eo im ta jonan ko emoj kile armij eo ej kommane etale eo, aikuj jonan wot mennin aikuj ko bukon eo ej kojobale ilo ien an jinoo juon etale (nan jonan eo mennin aikuj eo rej einwot maron eo am nan juon IEE).

Ijellokun einwot emoj komelele ijin lon, juon bukon emaron jab lelok mennin aikuj ko ak lajraakin ien ko ikijen aer bok juon IEE im kien ej kolla wonnen.

Kejbarok an Jab Diwojlok Melele Kōmelele ko 34 CFR §300.611; WAC 392-172A-05180

IDEA ej lewaj maron ikijen rekoot in special education eo an ajiri eo nejum. Maron kein koba ibben maron ko am iomwin Kakien ko rej kejbarok Maron im Melele ko an Baamle (Family Educational Rights and Privacy Act, FERPA), im ej juon kakien ej kejbarok rekoot ko an aoleb rijikuul.

Einwot emoj kojobale iomwin melele eo *Kejbarok an Jab Diwojlok Melele*:

- *Ejeer* ej melelein an ejeer ak jolok melele ko rej kalikar armij bwe melele eo enjab kalikar woñ juon armij.
- *Rekoot in jikuul* ej melelein kain rekoot ko rej bed iomwin komelele eo “rekoot in jikuul” ilo 34 CFR Paat 99 (kakien ko rej kojejjet kutien Kakien ko rej kejbarok Maron im Melele ko an Baamle im Kakien ko rej Kejbarok Melele ko an Armij an 1974, 20 Kakien an Amedka (United States Code, U.S.C.) 1232g (FERPA)).
- *Opij eo ej bok kwonaan* ej melelein jabdewot bukon in jikuul, opij, ak jikuul eo ej aen, kejbarok, ak kojobal melele ko rej kalikar armij, ak jen ijo rej bok melele eo, iomwin Paat B ak IDEA.

Melele ko rej Kalikar Armij

34 CFR §300.32; WAC 392-172A-01140

Melele ko rej kalikar armij ej melelein melele ko ekoba:

1. Etan ajiri eo nejum, etam einwot jinen ak jemen, ak etan bar juon armij uwaan baamle eo;
2. Atorej eo an ajiri eo nejum;
3. Melele eo ej kalikar juon armij, einwot nomba in social security eo an ajiri eo nejum ak nomba eo an rijikuul; ak
4. Juon lajraakin melele ko rej kalikar juon armij ak melele ko jet rej komman an juon armij maron jela ilo ejellok kajjitok ke melele ko rej an ajiri eo nejum.

Kōjella ñan Jinen im Jemen

34 CFR §300.612; WAC 392-172A-05185

OSPI ej lewaj kojella, kin kakien ko an, nan lukkun lewaj melele kin an jab diwojlok melele ko rej kalikar armij, ekoba:

1. An wor peba ko rej kwalok waan jonak eo an state, ekoba *Kōjella kin Kakien ko rej Kejbarok Maron ko an Rijikuul im Baamle*, ilo elon kajin ko im waween ko jet ilo ien ewor kajjitok;
2. Juon komelele kin melele ko rej kalikar juon armij im emoj an OSPI bōke im kejbarok jen abnono ko jen state, kajjitok im jemlok ko an komadmodin ien roñjak, lale, ablikajon kin jejjetin kejbarok, kwon in ien bebe ko, im lelok tobrak kin etale. Melele ko rej kalikar juon armij rej jolok mokta jen aer lelok melele in nan opij ko jet ak armij eo ej kajjitoke melele eo, ijellokun ñe jinen ak jemen ak rijikuul eo ej juon rutto im ej lelok komelim nan lelok melele eo;
3. Juon melele emoj kakadu kin kakien im mennin aikuj ko bukun eo aikuj loor ikijen kakwon, lelok nan pade ro kein kajilu, likut wot, im ejeer melele ko rej kalikar juon armij; im
4. Juon komelele kin aoleb maron ko an jinen im jemen im rijikuul ro ikijen melele in, ekoba maron ko iomwin Kakien ko rej kejbarok Maron im Melele ko an Baamle Kakien ko rej kejbarok Maron im Melele ko an Baamle (FERPA) im kakien ko rej kojejjet kutien ilo 34 CFR Paat 99.

Mokta jen jabdewot waween eo elab ibelakin state eo nan kalikar, jikin ak etale (einwot ad bar jela ej "loe melele ko kin ajiri"), juon kojella aikuj ajeeded ilo nuuj pepa ko ne ejab kojella ilo waween kojella nuuj ko jet, ak kin waween kin jimor, kin waween kaajeeded eo ebwe jonan nan kojellaik jinen im jemen ibelakin state eo kin makutkut eo rej kommane nan bukot, kalikar, im etale ajiri ro rej aikuj jiban ikijen special education im jiban ko mottan.

Kōjermal Maron ko

34 CFR §300.613-617; WAC 392-172A-05190–05210

Ewor am maron in lale im etale rekoot in jikuul ko an ajiri eo nejum im bukun in jikuul eo am ej aen, kejbarok, ak kojerbal iomwin Paat B in IDEA. Bukun eo aikuj loor kajjitok eo am nan lale im etale jabdewot rekoot in jikuul ikijen ajiri eo nejum ilo ejellok rumij im mokta jen jabdewot kwelok ikijen juon IEP, ak jabdewot komadmodin ien ronjak ejellok kalijeklok (ekoba juon kwelok in komman jemlok ak juon komamodin ien ronjak ikijen special education ikijen an kar komman bōd), im ejellok ien elablok jen 45 raan alikin am lelok juon kajjitok.

Maron eo am nan lale im etale rekoot in jikuul ekoba:

1. Maron eo am nan juon uwaak jen bukun kin kajjitok ko am emmon jonan am lelok nan aer lewaj komelele im ukok in rekoot ko;
2. Maron eo am nan kajjitok an bukun in jikuul eo lewaj kabe in rekoot ko elane ejab jejjet am maron lale im etale rekoot ko ijellokun ne kwar loe kabe ko; im
3. Ewor am maron bwe armij eo ej jutak ikijem en lale im etale rekoot ko.

Bukun eo enaj lomnak ewor am maron in lale im etale rekoot ko ikijen ajiri eo nejum ijellokun emoj rojan ejellok am maron iomwin kakien eo an state ekkar im ej kakien melele ko ikijen rikejbarok, jebel, im peba in jebel ko an rimarre.

Rekoot kin Woñ eo emaron Lale

Kajojo bukon in jikuul aikuj kejbarok juon rekoot in pade ro rej bok aer melim in aen, kejbarok ak kojerbal rekoot in jikuul ko iomwin Paat B in IDEA, ekoba etan pade eo, raan eo rekkar lelok, im wunin an wor melim nan an pade eo kojerbale rekoot ko. Bukon in jikuul ko rejab aikuj kejbarok rekoot kin won eo en lale nan jinen im jemen ak rijerbal ro an jikuul in bukon eo emoj komelim.

Rekoot ko Elonlok Jen Juon Ajiri

Ne jabdewot rekoot in jikuul ekoba melele kin elonlok jen juon rijikuul, ewor am maron in lale im etale wot melele eo ikijen ajiri eo nejum ne ejab bok melele kin melele eo elane bukon eo ejab maron kwalok melele eo nan kwe ilo an jab maron bar kwalok melele ko rej kalikar bar juon rijikuul.

Laajrakin Kain im Jikin Melele ko

Ne kwonaj kajjitoke, bukon in jikuul eo aikuj lewaj nan kwe laajrakin etan kain im jikin rekoot in jikuul ko emoj an bukon in jikuul eo aen, kejbarok, ak kojerbal.

Wonnen ko

Bukon in jikuul eo emaron lelok wonnen kabe in rekoot ko rej komman nan kwe iomwin Paat B in IDEA elane wonnen eo ejab jejjet an komman am jab kojerbal maron eo am nan lale im etale rekoot ko. Emaron jab lewaj wonnen am bukot ak bōk melele eo iomwin IDEA.

Kajimwe in Melele nan Rekoot ilo an Jinen ak Jemen

Kajjitok

34 CFR §300.618–§300.621; WAC 392-172A-05215

Ne kwoj tomak melele eo ilo rekoot in jikuul ko ikijen ajiri eo nejum im emoj aen, kejbarok ak kojerbal iomwin IDEA ebōd, ejab jimwe, ak ej kakkure kejbarok ak maron ko jet an ajiri eo nejum, kwomaron kajjitok an bukon eo janiji melele eo.

Bukon eo aikuj lomnak elane ej janiji melele eo ekkar nan kajjitok eo am iloan ien eo emmon jonan jen ien aer kar loe kajjitok eo am.

Ien nan juon Ien Roñjak, Mennin Aikuj ko ñan Ien Roñjak, im Jemlok ko an Ien Roñjak

Ne bukon in jikuul eo am enaj makoko in janiji melele eo kwoj kwalok ilo kajjitok eo am, ej aikuj kojellaik kwe kin jemlok eo an im rojan kwe kin maron eo am nan juon ien ronjak jen ibben bukon eo.

Ewor am maron in kajjitoke juon ien ronjak nan jumae melele eo ilo rekoot in jikuul eo an ajiri eo nejum nan lolorjak ke ejab bōd, ejab jimwe, ne ejab ej rupe kakien ko rej kejbarok melele ak maron ko jet an ajiri eo nejum. Ien ronjak eo nan jumae melele eo ilo rekoot in jikuul ko rej aikuj komman ekkar nan mennin aikuj ko an ien ronjak eo an bukon iomwin FERPA. Mennin ejab juon komadmodin ien ronjak ikijen special education.

Elane, jen jemlok eo an ien ronjak, bukon eo enaj jemlok ko melele eo ebod, ejab jimwe, ne ejab

ekkar rupe melele ko rej kejbarok an jab diwojlok melele ak maron ko jet an rjikuul eo, ej aikuj janiji melele eo einwot am ba im kojellaik kwe kin oktak ko ilo jeje.

Elane, jen jemlok eo an ien ronjak, bukon eo enaj jemlok ko melele ejab bod, ejab jimwe, ne ejab ekkar rupe melele ko rej kejbarok an jab diwojlok melele ak maron ko jet an rjikuul eo, ej aikuj kojellaik kwe kin maron eo am nan likut juon melele in kamool ilo rekoot in jikuul ko an ajiri eo nejum kin melele eo ne ejab lelok jabdewot waween ko kwojab erra kin jemlok eo an bukon.

Ne kwonaj kelet in likut juon melele in kamool ilo rekoot ko an ajiri eo nejum, peba in kamool eo aikuj:

1. An bukon eo kejbaroke einwot mottan rekoot ko an ajiri eo nejum toon wot an rekoot eo ak mottan eo rej jumae bed ilo kejbarok; im
2. Ne bukon eo enaj kwalok rekoot ko an ajiri eo nejum ak jumae mottan melele eo nan jabdewot pade, peba in kamool eo aikuj bar walok nan pade eo.

Lelok Kōmelim ñan Kwalok Jabdewot Melele ej Kalikar Woñ Armij

34 CFR §300.622; WAC 392-172A-05225

Rej aikuj bok komelim eo am ilo jeje mokta jen aer lelok melele ko rej kalikar woñ kwe nan armij ro jet ijellokun ñe melele ko rebed ilo rekoot in jikuul ko an ajiri eo nejum emelim aer lelok ilo an jinen ak jemen jab aikuj lelok komelim iomwin FERPA. Ilo waween ko ekka, ejab aikuj am lelok komelim mokta jen an melele ko rej kalikar armij etal nan ritol in opij ko ewor kwonaer in kotobrak juon mennin aikuj iomwin Paat B in IDEA. Botab, komelim eo am, ak komelim eo an ajiri eo nejum elane emoj aer tobar dettan iiõ in rutto, rej aikuj boke mokta jen aer lelok melele ko rej kalikar juon armij nan rijerbal in opij ko rej bok kwonaer in lewaj ak kolla wonnen jibañ ko ilo kōtaan ien. Im bareinwot, ne ajiri eo nejum ej jikuul ilo juon jikuul ejab an kien, rej aikuj bok komelim eo am mokta jen aer lelok jabdewot melele eo ej kalikar ajiri eo nejum etal nan rijerbal ro ilo bukon eo im jikuul eo ejab an kien ej bed ae im rijerbal ro ilo bukon eo ilo jikin eo ajiri eo nejum ej jokwe elane kwojab bebe in kadelon etan ajiri eo nejum ilo bukon eo kwoj jokwe ae.

Kakien ko rej kejbarok maron ikijen Melele ko rej Kalikar Woñ Armij

34 CFR §300.623; WAC 392-172A-05230

Bukon in jikuul eo am aikuj kejbarok an jab diwojlok melele ko rej kalikar armij ilo ien aer aen, kakwon, kwalok, im ejeer melele ko. Juon rijerbal ilo bukon eo an jikuul aikuj bok eddo in loloorjak an jab diwojlok jabdewot melele ko rej kalikar armij. Aoleb armij ro rej aen ak kojerbal melele ko rej kalikar won armij rej aikuj bok katak in kaminene ak jikuul kin waween an jab diwojlok melele iomwin Paat B in IDEA im FERPA.

Kajojo bukon in jikuul aikuj kejbarok, nan an kien etale, juon laajrakin etan im jikin jermal ko an rijerbal ilo ien in iloan opij eo im remaron lale melele ko rej kalikar armij.

Ejeer, Likut, im Kakwon Melele

34 CFR §300.624; WAC 392-172A-05235

Bukon in jikuul eo am aikuj kojella kwe ilo ien ejako aer aikuji melele ko emoj aer aen, kejbarok, ak kojerbal melele ko rej kalikar juon armij nan lelok jiban ko ikijen jikuul nan ajiri eo nejum.

Ilo ien ejako aer aikuji melele ko, rej aikuj jeere melele ko ilo am kajjitok. Botab, juon rekoot eo eban jako kin etan, atorej, im nomba in talebon eo an ajiri eo nejum, kureet ko an, rekoot kin raan ko ej jikuul ak rumij, kilaaj ko ekkar bōke, joñan kilaaj eo ear kadedelok, im iiō eo ear kadedelok remaron kejbarok wōt ilo an ejellok joñan jemlok in aer kejbaroke.

Kakien eo an state ikijen aer likut wot rekoot ko rebed ilo Jepta 40.14 ilo Kakien ko an Washington Emoj Kakobaba (Revised Code of Washington, RCW). Mennin aikuj ko ikijen ewi toon an bukone eo aikuj likut wot rekoot ko emoj likut ilo melele in kaajeeded jen ibben Secretary eo an State an Washington (Washington Secretary of State), Opij eo ej bok eddoin Melele ko jen Etto im Rekoot ko.

Mennin Aikuj ko ñan Jumae Abnono ko ikijen Special Education

Kwe juon eo aurok an bok kwonaan ilo aoleb waween ko ilo burokraam in special education eo an ajiri eo nejum. Am bok kwonaam ej jino kin jermal in lemaanlok eo kein kajuon an ajiri eo nejum. Emoj rojan am im bukone eo jermal ibben doon in kajeon in bukot ta ko kom ej abnono kake im rejelot burokraam in special education eo an ajiri eo nejum. Ilo ien eo kwe im bukone in jikuul eo ejab maron bukot jemlok in abnono ko, ewor waween ko jet elablok an wor karokier nan bukot jemlok. Waween kein rej ien bebe, abnono ko ilo jukjukinbed, im komadmodin ien ronjak ko ejellok kalijeklok.

Ien Bebe

34 CFR § 300.506; WAC 392-172A-05060–05075

Melele

Ewor jiban in ien bebe nan kwe ilo am jab aikuj kolla wonnen ne ejab bukone eo emaron jiban bukot abnono ko ikijen an kalikar, etale, jikin eo renaj likut ajiri ilo jikuul, im kakien eo an juon FAPE nan ajiri eo nejum im jabdewot ien ewor kajjitok nan juon komadmodin ien ronjak. An juon bebe ne ekonaan ien bebe im ejab maron kojerbale nan jab kotobrak ak karumij maron eo am nan juon komadmodin ien ronjak ak nan jab kotobrak jabdewot maron ko jet emoj lewaj iomwin Paat B in IDEA. Ien bebe ko rej kolaajrak ilo jejjetin ien ko ilo jikin eo emmon nan kwe im bukone eo.

Ewor ien bebe elane kajin eo am ejab Kajin Belle ak elane kwoj kojerbal bar juon waween leto letak melele ilo ien am lelok kajjitok ijellokun ne rejab maron lewaj.

Bukone eo an jikuul emaron kommane mennin aikuj ko rej lelok bwe jinen im jemen rijikuul ren kelet madmodin ien bebe, juon ien kwelok, ilo awa im jikin eo ebidodo nan kwe, ibben pade eo juon:

1. Won eo ebed iomwin koontoreak ibben juon opij eo ej bukot bar juon waween bukot jemlok in abnono, ak juon jikin eo ej lelok katak in kaminene nan jinen ak jemen im melele ak jikin jiban an jinen im jemen ilo jukjukinbed ilo state eo; im
2. Won eo enaj komelele kin jiban ko im lelok rojan in kojerbal ien bebe in nan kwe?

Ejellok Kalijeklok ibben Armij eo ej Kommane Ien Bebe eo

Ien bebe eo ej komman jen juon armij eo emoj kile, ejab kalijeklok, im emoj an bok katak in kaminene kin waween kojejjet ien bebe ko. Armij eo aikuj bar jela kin kakien im mennin aikuj ko ikijen kakien ko an special education im jiban ko jet mottan. OSPI ej koontoreak ibben juon opij ilikin nan an kommane ien bebe ko. Opij eo ej kejbarok laajrakin etan rijerbal ro rej kommane ien bebe ko. Rijerbal ro rej kommane ien bebe ko rej lelok ilo an jabdetake aer ekaalel, oktak ien aer jerbal, ak ilo waween ko eban wor kalijeklok. Rijerbal eo ej kommane ien bebe eo (1) emaron jab juon rijerbal an OSPI, an bukun, ak bar juon opij an state im ej kaju lelok jiban nan ajiri eo rej kenono kake ilo madmodin ien bebe eo, im (2) emaron jab wor an juon waween jiban ak jab jiban ikijen emake ak ikijen jerbal. Ien bebe ko rej kolaajrak ilo jejjetin ien ko ilo jikin eo emmon nan kwe im bukun eo.

Kwon ko Renaj Tobrak jen Ien Bebe

Ne kwe im bukun eo enaj tobare juon kwon, aikuj bed ilo juon jeje in kwoj jen ien bebe im ej jain jen kwe im armij eo ej jutak ikijen bukun eo im ewor an melim in kadelon kwon ko rej bedbed ioon kakien. Melele in kenono ko ilo ien bebe ko rejab diwojlok im rejab maron kojerbali nan kein kamool ilo jabdewot komadmodin ien ronjak ak komadmod ko rej lale maron ko an armij ilo jabdewot jikin ekajet an federal ak jikin ekajet an state eo an Washington. Mennin aikuj walok ilo juon kwon in jeje. Botab, kwon eo an ien bebe remaron kojerbal ñan kein kamool. Kwon ko an ien bebe rej bedbed ioon kakien im remaron kabin ilo jabdewot jikin ekajet an state ewor an maron in kakien ne ejab ilo jikin ekajet eo an bukun ilo Amedka.

Oktak ko Kōtaan Etale in Abnono ko an Jukjukinbed ikijen Special Education im Komadmodin Ien Ronjak ko

Kakien ko an Paat B in IDEA ewor aer mennin aikuj ko roktak nan abnono ko nan state (abnono ko jen jukjukinbed) im komadmodin ien ronjak ko. Juon abnono jen jukjukinbed emaron bael ibben OSPI jen jabdewot armij ak doulul eo ej nae ruen bukun eo an jikuul, OSPI, ak jabdewot opij an kien emoj an rupe mennin aikuj eo ilo Paat B, kakien ko an federal rebed ilo 34 CFR Paat 300, ak kakien ko an state emoj kojejjet kutien ilo Paat B in IDEA. OSPI enaj etale abnono ko jen jukjukinbed, ekkar nan melele ko kin kakien ko rekkar rupe jen armij eo ej bael ae abnono eo, ak opij eo juon ej uwaake abnono eo. Abnono ko jen jukjukimbed rej aikuj bael iloan juon iiō jen ien eo emoj nae ruen ekkar rupe kakien eo.

Kajjitok ko kin komadmodin ien ronjak emaron wot bael jen kwe ak bukun in jikuul eo am kin jabdewot melele ikijen waween aer kalikar, etale, ak jikin eo rej likut ajiri eo nejum ilo jikuul, ne ejab kakien eo ej lelok jikuul in kien eo ekkar im ejellok wonnen (FAPE) nan ajiri eo nejum. Komadmodin ien ronjak ko rej komman jen juon jāj ro rej komadmod kakien (ALJ), im ej jerbal ilo Office of Administrative Hearings, im ej juon opij an state ejenolok. Ekka an komadmodin ien ronjak ko koba kamool jen rikamool im aer kwalok melele in kamool. Kajjitok ko kin komadmodin ien ronjak rej aikuj bael iloan ruo iiō jen ien eo emoj nae ruen ke ekkar rupe kakien (kin jet men ko emoj komelim

ejab aikuj ikijen an bōd aer lelok ak dabdeb melele.)

Emoj komelele kin laajrakin ien im mennin aikuj ko nan abnono ko jen jukjukinbed im komadmodin ien ronjak ijin lal.

Mennin Aikuj ko kin Abnono ko jen Jukjukinbed 34 CFR §§300.151–300.153; WAC 392-172A-05025– 05045

Ewor an OSPI mennin aikuj ko an bukot jemlok ko an abnono ko jen state. Mennin aikuj kein rekoba iloan kakien ko an state im melele eo ikijen abnono eo jen state ebed ilo website eo.

Ne kwe, jabdewot armij, ak doulul ej tomak ke bukun eo, OSPI, ak jabdewot bar opij in jikuul ej kakien iomwin IDEA emoj an kakkure Paat B in IDEA, kakien ko rej kojejjet kutien Paat B, ak kakien ko an state einwot, kwomaron bael ae juon abnono ilo jeje ibben Office of Superintendent of Public Instruction (OSPI), Special Education, PO Box 47200, Olympia, WA 98504-7200. Kwoj aikuj lelok juon kabe in abnono eo nan bukun eo ak opij eo juon kwoj abnono ibben.

Bael ae juon Abnono

Abnono eo ilo jeje aikuj jain jen ibbam, ak jen armij ak doulul eo ej bael ae abnono eo im aikuj koba melele kein laajrak:

- Juon peba in kamool ke bukun eo ak bar juon opij ear rupe mennin aikuj eo iomwin Paat B in IDEA, kakien ko rej kojejjet kutien Paat B, kakien ak mennin aikuj ko einwot an state, ak juon peba in kamool ke bukun eo ak opij eo juon ejab kojejjet kutien juon ien bebe ak kwon in jemlok;
- Etan im atorej eo an bukun ak opij eo juon;
- Etan rijikuul, elane abnono eo ejejjet nan juon rijikuul, im melele in tobare elane ejellok imon rijikuul eo;
- Etan jikuul eo rijikuul eo ej jikuul ae;
- Juon komelele kin jorraan eo kin jejjetin melele ko rejimwe;
- Juon jemlok in bebe kin jorraan eo nan jonan melele eo emoj jela im ewor ibbam ilo ien am bael ae abnono eo; im
- Etam, atorej, im nomba in talebon eo am.

Kakien eo emoj rupe aikuj kar jab walok elablok jen **juon iiō**, plta kem raan eo an abnono eo, kotobrak mennin aikuj ko ijin lon, im emoj an OSPI loe.

Emoj an OSPI kommane juon peba in waan jonak kwomaron kojerbal nan bael abnono. Peba eo ewor ilo web peij eo an [OSPI – Special Education – Bael Abnono jen Jukjukinbed – Kajjitok ko rekut im peba in kajjitok ko](#). Kwojab aikuj kojerbal peba in.

Etale ko ñan Abnono

OSPI aikuj etale im lelok jemlok eo ilo jeje iloan 60 raan alikin an loe juon abnono ijellokun ne emoj lelok ien eo aitoklok. Iloan 60 raan, OSPI (1) aikuj an bukun eo lelok juon uwaak nan abnono eo; (2)

lewaj nan kwe ak armij eo ej kommane abnono eo ien lelok melele ko jet kin melele ko kin bōd eo emoj kwalok ilo abnono eo; (3) emaron komman an walok juon etale eo ejenolok iloan jikin eo, elane OSPI enaj loe ej mennin aikuj; im, (4) etale aoleb melele ko rekka im kommane juon jemlok eo ejenolok elane bukone eo ak opij eo juon ej rupe mennin aikuj eo ej mottan Paat B in IDEA.

Etale, Kaitoklok Ien, Jemlok Ilo Jeje

Jonan jemlok eo ej 60 raan im emaron aitoklok wot elane: (1) ewor waween ko rejenolok kin jejetin abnono eo; **ak** (2) kwe ak bukone eo an jikuul enaj make erra ilo jeje in kaitoklok ien in bukote jemlok in abnono kin ien bebe ak bar juon waween bukote jemlok in abnono.

Juon jemlok ilo jeje emoj jilkinwaj nan kwe ak armij eo ej bael abnono im nan bukone eo an jikuul. Jemlok eo ilo jeje enaj komelele kin kajojo bōd. Nan kajojo bōd emoj nae ruen, jemlok eo ilo jeje enaj kalikar melele ko emoj loe kin melele ko rejimwe, jemlok ko, im wunin jemlok eo, im jabdewot jonan ko nan kajimwe bōd eo im emoj loe nan bukote abnono eo elane bōd eo ear walok.

Jiban ko ñan Abnono ko

Ilo ien OSPI enaj loe ekka rup kakien ak wor likjab in lelok jiban ko rekka ilo madmodin abnono eo an, jemlok eo enaj kwalok:

1. Waween bar kenono kin an jab tobrak jiban ko, ekoba einwote ekka, lelok wonnen eo rej karoollok ak komadmod in kajimwe bōd eo ekka nan aikuj ko an rijikuul eo/ro; im
2. Kakien eo ekka ilo jeklaj kin jiban in special education nan aoleb rijikuul.

Abnono ko jen Jukjukinbed kin Special Education im Komadmodin Ien Ronjak ko

Ne emoj loe abnono eo jen jukjukinbed ej bar wunin komadmodin ien ronjak ak ne abnono eo ewor elon melele in abnono ko iloan, juon ak lablok in abnono ko rej mottan komadmodin ien ronjak, OSPI aikuj kojelok (jab etale) jabdewote mottan abnono eo rej lale ilo komadmodin ien ronjak mae ien jemlok ien ronjak eo. Jabdewote melele ilo abnono eo ejab mottan komadmodin ien ronjak aikuj wor jemlok in iloan lajra kin ien ko an abnono eo.

Ne juon abnono enaj walok ilo abnono eo emoj kar komman jemlok kake ilo komadmodin ien ronjak eo ekoba ejja pade ro, jemlok eo an ien ronjak enaj jimwe im OSPI aikuj kojellaik armij eo ej lelok abnono ke ejab maron etale abnono eo.

OSPI aikuj bukote jemlok in abnono eo ej nae ruen bukone eo kin an likjab in kojejjet kutien jemlok eo an madmodin etale eo.

Mennin Aikuj ko kin Komadmodin Ien Roñjak

34 CFR §§300.507-300.513; WAC 392-172A-05080–05125

Melele

Kwe ak bukone eo an jikuul emaron bael ae kajitok eo nan komadmodin ien ronjak kin jabdewote melele ikijen kalikar, etale, ak jikin eo rej likut ajiri eo nejum ilo jikuul ak kakien eo an juon FAPE nan ajiri eo nejum. Bukone eo aikuj kojellaik kwe kin jabdewote jiban in loar ko edik wonnen im jiban ko

jet mottan ilo jikin eo kwoj bed ae ilo ien emoj bael kajjitok nan komadmodin ien ronjak ak ilo ien kwonaj kajjitoke melele in. Nan mennin aikuj ko kin komadmodin ien ronjak, "kwe" ekoba loar eo am elane emoj an wor juon am, im "bukon" ekoba loar eo an bukon elane juon loar ej jutak ikijen bukon eo.

Bael

Nan kajjitoke juon ien ronjak, kwe ak bukon eo aikuj lelok juon kajjitok nan komadmodin ien ronjak nan pade eo juon. Kajjitok eo aikuj koba aoleb melele ko emoj laajrak ijin lal im aikuj kejbarok an jab diwojlok.

Kwe ak bukon eo, jabdewot eo ear bael ae kajjitok eo, aikuj bar lelok armij eo emoj an OSPI jitone, Office of Administrative Hearings (OAH), juon kabe in kajjitok in ien ronjak eo nan atorej eo laajrak:

Office of Administrative Hearings
600 University Street, Suite 1500
Seattle, WA 98101-3126
Fax: 206-587-5135

Kajjitok eo an komadmodin ien ronjak aikuj koba:

1. Etan rijikuul eo;
2. Atorej in mweo imon rijikuul eo;
3. Etan jikuul eo an rijikuul;
4. Elane rijikuul eo ej juon ajiri ak jodikdik eo ejellok mōn, melele ko nan tobar rijikuul eo;
5. Komelele kin wunin jorraan eo, ekoba melele ko rejimwe kin jorraan eo; im
6. Juon bebe emōj lemaanlok kin abnono eo ñan joñan eo kwojela im melele ko rebed ibbam ak ibben bukon eo ilo ien eo.

Kōjella ej Mennin Aikuj Mokta jen Ien Roñjak eo ilo juon

Kajjitōk ñan Kōmadmōdin Ien Roñjak

Kwe ak bukon eo emaron ejellok ami kōmadmodin ien ronjak mae ien kwe ak bukon eo enaj lelok juon kajjitok nan komadmodin ien ronjak nan pade eo juon im lelok nan OAH juon kabe in kajjitok eo ekoba melele ko emoj kolaajrak ijin lon.

Ebwe Melele ñan Kajjitōk Ien Roñjak

Ñan an wonmaanlok kajjitok eo nan juon komadmodin ien ronjak, rej aikuj watoke ebwe melele ko kobban. *Ebwe melele* ej melelein melele ko kobban rej kōtōbrak mennin aikuj ko ñan melele ko kobban im emoj kwalok ijin lon iomwin *Bael*. Kajjitok eo nan komadmodin ien ronjak emoj lomnak ebwe melele ijellokun ne pade eo ear loe kajjitok eo nan juon komadmodin ien ronjak enaj kojellaik ALJ im pade eo juon ilo jeje, iloan 15 raan, ke pade eo ej loe melele eo ej tomak ke ejabwe melele ko kobban kajjitok eo nan juon komadmodin ien ronjak.

Iloan lalem raan in loe kojella eo ke ejbawe melele ko kobban, ALJ eo aikuj lomnak elane kajjitok eo nan juon komadmodin ien ronjak ej kotobrak mennin aikuj ko emoj kolaajrak ijin lon, im kojellaik kwe im bukon eo ilo jeje ilo ien eo wot.

Kakobaba in Melele nan juon Kajjitok nan Ien Ronjak

Kwe ak bukun eo emaron komman oktak nan kajjitok eo nan juon ien ronjak wot elane:

1. Pade eo juon enaj komelim oktak ko ilo jeje im renaj lelok ien nan bukot jemlok in kajjitok eo nan juon ien ronjak kin juon kwelok in bukot jemlok (elane kwe, jinen ak jemen emoj an kajjitok juon komadmodin ien ronjak), emoj komelele ijin lal; ak
2. Ejab rumijlok jen lalem raan mokta jen an jino komadmodin ien ronjak, opija eo an ien ronjak ej lewaj komelim nan oktak ko.

Ne kwe pade eo ej kajjitok ien ronjak im kwoj kommane oktak ko nan kajjitok eo an komadmodin ien ronjak, laajrakin ien ko nan kwelok in bukot jemlok im ien an wor jemlok (Lale: *Madmodin Jemlok*) bar jino ilo raan eo enaj bael kajjitok eo nan kakobaba in melele, ak ilo raan eo ALJ eo enaj lelok kajjitok eo.

Uwaak eo an Bukun nan Kajjitok eo nan juon Komadmodin Ien Ronjak

Ñe bukun eo ejañin jilkinwaj juon kōjella kin jemlok ko kin aoleb melele ko emōj lelok ñan kwe, einwōt emōj kōmelele ilo melele eo itulōñ *Kōjella kin jemlok ko kin aoleb melele ko emōj Lelok*, ikijen melele eo ebed ilo kajjitok eo am nan juon komadmodin ien ronjak, bukun eo aikuj, iloan 10 raan in an loe kajjitok eo am nan juon komadmodin ien ronjak, jilkinwaj juon uwaak ekoba:

1. Juon komelele kin wunin an bukun eo bebe ak jab bebe in kommane komadmod eo emoj kwalok ilo kajjitok eo nan juon komadmodin ien ronjak;
2. Juon komelele kin ta ko jet kumi in IEP eo an ajiri eo nejum ear lonake im wunin aer kar jab kotobrak waween ko;
3. Juon komelele kin kajojo mennin aikuj in etale, teej, rekoot, ak ripoot bukun eo ear kojerbal einwot wunin aer bebe ak jab bebe in kommane komadmod eo; im
4. Juon komelele kin waween ko jet rekkar nan bebe ak jab bebe in komadmod eo an bukun.

Juon bukun emaron kalikar ke ejabwe melele ko ilo kajjitok eo nan juon komadmodin ien ronjak jekdoon ear lewaj melele ko ilo laajrak 1–4 ijin lon.

Uwaak eo an Pade eo Juon nan Kajjitok eo nan juon Komadmodin Ien Ronjak

Ijellokun komadmodin ien ronjak ko emoj komokajlok nan katak ko kin bōd im emoj kenono kaki iomwin jekjen eo, *Mennin Aikuj ko kin Komadmodin Ien Ronjak nan Katak ko kin Bōd*, pade eo ej loe kajjitok eo nan komadmodin ien ronjak aikuj, iloan 10 raan in an loe kajjitok eo, jilkinlok nan pade eo juon uwaak eo ejejjet an uwaake abnono ko ilo kajjitok eo. Jabdewot pade emaron kwalok ke ejabwe melele ko ilo kajjitok eo nan komadmodin ien ronjak.

Waan Joñak in Pebako

34 CFR §300.509; WAC 392-172A-05085

Emoj an OSPI kommane juon waan jonak in peba eo nan kajjitok komadmodin ien ronjak nan jiban kwe kanne juon kajjitok nan komadmodin ien ronjak eo. Peba eo ebed ilo [OSPI – Special Education – Kajjitok juon Komadmodin Ien Ronjak – Kajjitok ko Rekut im peba in kajjitok ko web peij](#).

Kwojab aikuj kojerbal peba in. Botab, remaron jab kotobrak maron eo am nan juon komadmodin ien ronjak ak karumiji elane kajjitok eo nan komadmodin ien ronjak ejab koba aoleb melele ko rej aikuj. Kwomaron bar boke kabe in peba in kajjitok ien ronjak jen opij eo an special education ilo bukon eo am.

Jikin eo rej Likut Rijikuul ilo len Kattare Jemlok eo an Komadmodin Ien Roñjak

34 CFR §300.518; WAC 392-172A-05125

Ijellokun melele eo emoj lewaj ijin lal iomwin melele eo itulõñ *Mennin Aikuj ko ñan Katak kin Bõd ñan Rijikuul ro Remaron Tõbrak ñan Special Education*, ilo ien emoj jilkinlok kajjitok eo nan komadmodin ien ronjak nan pade eo juon, ilo ien komadmode jemlok eo, im ilo ien kattare uwaak eo jen jabdewot komadmodin ien ronjak ejellok kalijeklok ak komadmod an jikin ekajet ekoba juon jumae kin jemlok eo an ALJ eo, ajiri eo nejum aikuj bed wot ilo jikin eo emoj likut ilo jikuul ilo ien in ijellokun ne oktak erra eo am im bukon eo.

Jadewot jikin emoj likut rijikuul eo ilo komadmodin ien ronjak ko jab kabojrak an kumi in IEP eo kwelok, einwot aikuj ak einwot aikuj. Kumi in IEP eo emaron kokkaal im kojejjet kutien melele ko ilo lep eo an rijikuul ijellokun ne ewor jumae kin oktak ko.

Ne kajjitok eo nan komadmodin ien ronjak ekoba juon ablikajon nan kadelon rijikuul ilo jikuul in kien ilo ien eo kein kajuon, ajiri eo nejum, ilo am lelok komelim, aikuj bed ilo burokraam in jikuul in kien eo ekka mae ien ededelok aoleb komadmod kein.

Ne kajjitok eo nan komadmodin ien ronjak ekoba kakien nan jermal in jiban ko kein kajuon iomwin Paat B in IDEA, nan ajiri eo nejum, im ej bed ilo kotaan ien jen aer jibane iomwin Paat C in IDEA nan Paat B in IDEA, im ejako an maron tobrak nan jiban ko an Paat C kinke emoj an jilu an ajiri eo nejum iiõ, bukon eo ejab aikuj lelok jiban ko an Paat C im ej boke ilo ien in. Ne emoj loe ajiri eo nejum emaron tobrka iomwin Paat B in IDEA im kwoj lelok komelim bwe ajiri eo nejum en bok jiban ko an special education im jiban ko mottan ilo ien eo kein kajuon, innem, ekkar nan jemlok eo an komadmod ko, jikin ekajet eo aikuj lelok jiban ko an special education im jibañ ko mottan im ewõr abnono ikõtaan kwe im bukon eo.

Ne ALJ eo enaj tobare jemlok eo ke ekkar an wor oktak ilo jikin eo emoj likut ajiri eo, jemlok eo ikijen jikin eo renaj likut rej aikuj watoke ej juon bebe ikotaan kwe im bukon eo an jikuul nan jikin eo rej likut rijikuul eo ilo jabdewot jumae ilo jikin ekajet nan jemlok nan komadmod eo.

Madmodin Jemlok

34 CFR §300.510; WAC 392-172A-05090

Kwelok eo an Jemlok

Iloan 15 raan alikin am kar bael ae kajjitok eo am nan juon komadmodin ien ronjak ibben bukon eo im OAH, bukon eo aikuj kommane juon kwelok ibbam im armij eo ekkar ak armij ro uwaan kumi eo an IEP im ewor aer jejetin melele kin melele ko rejimwe emoj kalikar ilo kajjitok eo am nan komadmodin ien ronjak. Kwe in aikuj komman mokta jen an jino lajtrak in ien eo an komadmodin

ien ronjak ijellokun ne kwe im bukon eo enaj erra nan juon ien bebe ak erra in komelim in jolok kwelok eo an jemlok. Kwelok eo:

1. Aikuj koba juon armij ej jutak ikijen bukon im ewor an maron in komman jemlok ikijen bukon eo; im
2. Ejab maron juon loar an bukon ijellokun ne loar eo ej iwoj ibbam.

Wunin kwelok eo ej nan am kenono kajjitok eo am nan komadmodin ien ronjak im melele ko rejimwe im rej wunin kajjitok eo, bwe en wor an bukon eo ien na bukot jemlok in abnono eo. Kwe im bukon eo enaj lale armij ro rekkar aer koba jen kumi in IEP eo nan aer bed ilo kwelok eo an jemlok.

Ejab aikuj kwelok eo an jemlok elane:

1. Bwe im bukon eo ej erra ilo jeje in komelim an jab komman kwelok eo; ak
2. Kwe im bukon eo ej erra in kojerbal komadmodin ien bebe, einwot emoj komelele iomwin melele eo itulõñ *Ien Bebe*.

Ien Jemlok

Ne bukon eo ejanin loe jemlok im ejab buñ buruom kin kajjitok eo nan juon komadmodin ien ronjak iloan 30 raan in am kar lelok kajjitok eo nan juon komadmodin ien ronjak nan bukon eo im OAH, komadmodin ien ronjak eo emaron komman.

Jonan ien eo ej 45 raan in lelok jemlok eo aliktata ej jino ilo ien eo aliktata an ien jemlok ej 30 raan, kin jet men ko rejenolok nan oktak ko rej komman nan ien jemlok eo ej 30 raan, einwot emoj komelele ij in lal.

Ijellokun ne kwe im bukon eo ear jimor erra in komelim an jab komman komadmodin jemlok ak nan kojerbal ien bebe, am likjab in bok kwonaam ilo kwelok eo an jemlok enaj karumij laajrakin ien ko nan komadmodin jemlok im komadmodin ien ronjak mae ien kwonaj bok kwonaam ilo kwelok eo.

Ne bukon eo ejanin maron komman am bok kwonaam ilo kwelok eo an jemlok alikin an emmon jonan aer kar kajeon in jeiki ta ko rekkar kommani, bukon eo emaron, ilo ien eo aliktata an ien jemlok eo ej 30 raan, kajjitok an ALJ eo jolok kajjitok eo am nan juon komadmodin ien ronjak. Bukon eo an jikuul aikuj jeiki waween an kar kajeon nan bebe kin juon awa im jikin eo komiro jimor enaj erra kake nan an komman kwelok eo an jemlok. Rekoot in peba in kamool ekoba waween ko rekkar kajeon, einwot:

1. Tibdikin melele ko jen kall ko ilo talebon ak aer kajeon in kar kall im ta tobrak in kall ko;
2. Kabe in peba ko emoj kar jilkinwaj nan kwe im jabdewot uwaak ko kwar loe; im
3. Tibdikin melele kin ien ko rekkar iwoj nan mweo imom ak jikin jerbal im ta tobrak in ien ko rekkar iwoj.

Ne bukon eo enaj likjab in kommane juon kwelok an jemlok iloan 15 raan in am lelok kajjitok eo am nan juon komadmodin ien ronjak nan bukon im OAH, **ak** bukon eo enaj likjab in bok kwonaam ilo kwelok eo an jemlok, kwomaron kajjitok an ALJ eo kakien bwe en jino laajrakin ien eo an komadmodin ien ronjak ej 45 raan.

Oktak ko an len Jemlok ej 30 Raan

Ne kwe im bukon eo enaj erra ilo jeje in komelim an jab komman kwelok eo an jemlok, innem laajrakin ien eo ej 45 raan nan komadmodin ien ronjak ej jino ilo raan eo juon.

Alikin an jino ien bebe ak kwelok eo an jemlok im mokta jen ien eo aliktata an ien jemlok eo ej 30 raan, elane kwe im bukon eo enaj erra ilo jeje ke ejab maron wor bebe, innem laajrakin ien eo ej 45 raan nan komadmodin ien ronjak ej jino ilo raan eo juon.

Ne kwe im bukon eo enaj erra in kojerbal madmodin ien bebe, botab kom ejanin tobare juon bebe, ilo ien eo aliktata an ien jemlok eo ej 30 raan, pade ro jimor remaron erra ilo jeje nan an wonmaanlok ien bebe mae ien renaj tobare juon bebe. Botab, elane kwe ak bukon enaj jolok madmodin ien bebe eo, innem laajrakin ien eo ej 45 raa nan komadmodin ien ronjak enaj jino ilo raan eo juon.

Bebe in Tobrak eo ilo Jeje

Ne kwe im bukon eo enaj lo jemlok in abnono eo am ilo kwelok eo an jemlok, kwe im bukon eo aikuj kadelon juon bebe ej kakien im emoj:

1. Am im armij eo ej jutak ikijen bukon im ewor an maron in kakien ikijen bukon jaini; im
2. Emaron kabin ilo jabdewot Jikin Ekajet eo Eutiejtata an Washington State im ewor an maron in kakien ak juon jikin ekajet an bukon ilo Amedka.

Ien Etale Bebe eo

Ne kwe im bukon eo enaj kadelon juon bebe alikin kwelok eo an jemlok, kwe ak bukon eo emaron jolok bebe eo iloan jilu raan in bejnef kin ien eo kwe im bukon eo jimor ear jaini bebe eo.

Komadmodin Ien Ronjak Ejellok Kalijeklok 34 CFR §300.511; WAC 392-172A-05080; WAC 192-172A-05090–05100; WAC 392-172A-05160

Melele

Jabdewot ien an bael juon kajjitok nan komadmodin ien ronjak, kwe ak bukon eo ekoba ilo abnono eo aikuj wor ami ien nan juon komadmodin ien ronjak ejellok kalijeklok.

Jāj ro rej Komadmod Kakien (ALJ)

Ien ronjak eo enaj komman jen juon ALJ eo ejenolok im emoj kile, im ej jermal ilo Office of Administrative Hearings (OAH).

Kin jonan eo ediktata, juon ALJ:

1. Aikuj juon rijerbal an OSPI ak bukon eo ajiri eo nejum ej jikuul ak rej lale. Botab, armij eo ejab juon rijerbal an opij eo wot kinke ej kolla jen opij eo nan an jerbala einwot juon ALJ;
2. Aikuj ejellok waween eo enaj jiban ak jab jiban ikijen emake ak jermal iloan mennin aikuj ko an ALJ ilo ien ronjak eo;
3. Aikuj jela im melele kakien ko an IDEA im mennin aikuj ko an federal im state ikijen IDEA, im ukok in melele in kakien ko an IDEA jen jikin ekajet ko an federal im state; im

4. Aikuj jela im maron komman ien ronjak ko, im komman im jeje jemlok ko, niknik ilo an ekkar im jonan aikuj ilo jermal in kakien.

OSPI ej kejbarok juon laajrakin etan armij ro rej jermal einwot ALJ ko, im ekoba peba in kamool kin tobrak ko an kajojo armij.

Melele eo an Komadmodin Ien Ronjak

Pade eo ej kajjitok komadmodin ien ronjak emaron jab kwalok abnono ko ilo komadmodin ien ronjak eo im rekkar jab kenono kaki ilo kajjitok eo an komadmodin ien ronjak, ijellokun ne pade eo juon enaj erra.

Laajrakin Jonan Ien nan Kajjitoke juon Ien Ronjak

Kwe ak bukun eo aikuj bae ae kajjitok eo am nan komadmodin ien ronjak iloan ruo iio jen raan eo kwe ak bukun eo ear jela, ak aikuj kar jela, kin abnono ko emoj kwalok ilo kajjitok eo nan ien ronjak.

Emoj Komelim Ejab Mennin Aikuj nan Laajrakin Ien

Laajrakin ien eo ijin lon ejab jermal elane kwar jab maron bael ae juon kajjitok nan komadmodin ien ronjak kinke:

1. Bukun eo elab an kar bod melele ko ibben im emoj an loe jemlok in jorraan ak abnono eo kwoj kwalok ilo kajjitok eo am nan ien ronjak; ak
2. Bukun eo ekkar dabdeb melele jen kwe ak ekkar aikuj lewaj iomwin Paat B in IDEA.

Maron ikijen Ien Ronjak

34 CFR §300.512; WAC 392-172A-05100

Melele

Ewor am maron in jutak ikijem make ilo komadmodin ien ronjak eo (ekoba juon ien ronjak ikijen mennin aikuj ko kin katak kin bod). Kwe im bukun eo an jikuul, einwot pade ro ilo komadmodin ien ronjak (ekoba juon ien ronjak ikijen mennin aikuj ko kin katak kin bod), ewor am maron nan:

1. Juon loar en jutak ikijem, im iwoj ibbam im armij ro ewor aer jejetin melele ak katak kaminene remaron lewaj rojan ikijen jorraan ko ibben rijikuul ro ewor aer utamwe;
2. Kwalok kamool im kajjitokin, etale, im aikuj an bed rikamool ro;
3. Kamo an walok jabdewot kamool ilo ien ronjak eo im ejanin walok nan pade eo juon ejab diklok jen lalem raan in bejnef mokta jen ien ronjak eo;
4. Bok ilo jeje, ak ilo kelet eo am, kein jermal kapeel in raan kein, jejetin naan ko emoj kanne jen ien ronjak eo; im
5. Bok ilo jeje, ak, ilo kelet eo am, melele ko rejimwe im kelet ko ilo kein jermal kapeel in raan kein.

Melele ko Jet Renaj Kwalok

Ejab diklok jen lalem raan in bejnef mokta jen komadmodin ien ronjak, kwe im bukun eo aikuj kwalok an doon aoleb etale ko emoj aer dedelok jen raan eo im rojan ko ekkar nan etale ko kwe ak bukun eo ej bebe in kojerbale ilo ien ronjak eo.

Juon ALJ emaron kabojrak an jabdewot pade eo ej likjab in loor mennin aikuj in jen an kwalok etale ak rojan eo ekkar ilo ien ronjak eo ilo an ejellok komelim jen pade eo juon.

Maron ko an Jinen im Jemen ilo len Ronjak ko

Rej aikuj lewaj maron nan:

1. Loloorjak an ajiri eo nejum bed;
2. Kobelloke ien ronjak eo nan armij ro ilobelej; im
3. Wor rekoot in ien ronjak eo, melele ko rejimwe emoj loi im jemlok ko emoj lewaj nan kwe ilo an ejellok wonnen.

Laajrakin len im Kabidodo len Ronjak ko

34 CFR §300.515; WAC 392-172-05110

Jab rumijlok jen 45 raan alikin an jemlok ien eo ej 30 raan nan kwelok eo an jemlok **ak**, jab rumijlok jen 45 raan alikin raan eo aliktata an ien jemlok eo emoj kar ukote:

1. Jemlok eo aliktata enaj tobrak ilo ien ronjak eo; im
2. Kabe in jemlok eo enaj mael nan kajojo pade ro.

Juon ALJ emaron lelok jejetin ien ko emoj kaitoklok im relablok jen 45 raan im emoj komelele ijin lon ilo an juon ian pade ro kajjitok.

Kajojo ien ronjak aikuj komman ilo awa im jikin eo emmon jonan an bidodo nan kwe im ajiri eo nejum.

Jemlok ko jen len Ronjak

34 CFR § 300.513; WAC 392-172-05100–05105

Jemlok eo an ALJ

Jemlok eo an ALJ kin elane ajiri eo nejum ej jikuul ilo jikuul eo an kien ekkar im ejellok wonnen (FAPE) aikuj kin waween ko emmon jonan.

Ilo ien ronjak ko emoj kwalok ke bukon eo ekkar kommane juon bōd ilo jermal, juon ALJ emaron loe ke ajiri eo nejum ekkar jab bok FAPE wot elane ewor bod ilo jermal ko:

1. Ekkar kakkure maron eo an ajiri eo nejum nan an boke juon FAPE;
2. Elab an kakkure am maron bok kwonaan ilo juon madmodin komman kelet ikijen kakien in FAPE eo nan ajiri eo neju; ak
3. Ear komman an jab maron bok jiban in jikuul.

Melele kin Maron im Jermal ko an Aoleb Pade

Jekdoon ne ALJ ejab loe an kar rup juon kakien ilo FAPE, ALJ ej maron wot kakien in bukon eo loor mennin aikuj ko ilo jekjen eo an Kakien ko rej Kejbarok Maron ko an Rijikuul im Baamle an kakien ko an federl iomwin Paat B in IDEA (34 CFR §§300.500 ñan 300.536).

Kajjitok eo Ejenolok nan juon Komadmodin len Ronjak

Kwomaron bael ae juon kajjitok nan komadmodin ien ronjak ejenolok kin juon abnono eo ejenolok

jen kajjitok eo nan komadmodin ien ronjak emoj de an bael.

Melele ko Emoj Loe im Jemlok nan Kumi eo ej Lelok Rojan im Armij ro Ilobelej

OSPI ej jeere jabdewot melele ko rej kalikar juon armij, im:

1. Lelok melele ko emoj loe im jemlok ko ilo komadmodin ien ronjak ko nan Kamiti in Rojan ikijen Special Education an Washington (Special Education Advisory Committee, SEAC); im
2. Komman an armij ro ilobelej maron loe melele ko emoj loi im jemlok ko.

Jemlok eo Alikтата; Jumae

34 CFR §300.514; WAC 392-172A-05115

Juon jemlok komman ilo komadmodin ien ronjak (ekoba ien ronjak ikijen mennin aikuj kin katak kin bōd) ej kelet eo aliktata, ijellokun ne juon pade (kwe ak bukon eo) ekoba ilo ien ronjak ko an jumae im kelet eo ej kommane juon komamodin jumae ikotaan ruo ak elonlok pade, einwot emoj komelele ijin lal.

Komadmod ilo jikin ekajet ikotaan ruo ak elonlok pade, Ekoba Jonan len an Bael Komadmod ko

34 CFR §300.516; WAC 392-172A-05115

Melele

Ne juon ian pade ro ejab erra kin melele ko emoj loe im jemlok eo an komadmodin ien ronjak (ekoba juon ien ronjak ikijen mennin aikuj ko kin katak kin bōd), ewor an pade eo maron in kommane juon komadmod ilo jikin ekajet ikotaan ruo ak elonlok pade kin melele eo im ej wunin komadmodin ien ronjak eo. Komadmodin emaron etal nan jikin ekajet eo an state ewor an maron in kakien (juon jikin ekajet an state eo ewor an maron in ronjake kain keij in) ak juon jikin ekajet an bukon eo an Amedka. Jikin ekajet ko an bukon eo an Amedka ewor an maron in kakien kin komadmod ko emoj boklok iomwin Paat B in IDEA ilo an ejellok lomnak kin jonan eo ilo abnono eo.

Joñan Jemlok an len

Pade eo ej boklok komamdod eo enaj wor an **90** raan jen raan eo an jemlok eo an ALJ nan bael ae juon komadmodin ien ekajet ikotaan ruo ak elonlok pade.

Mennin Aikuj ko Relablok

Ilo jabdewot komadmodin ien ekajet ikotaan ruo ak elonlok pade, jikin ekajet eo:

1. Ej loe rekoot ko an komadmodin jermal ko;
2. Ronjake kamool kon jet ilo am naj kajjitok ak ilo an bukon eo kajjitok; im
3. Kommane kelet eo an kin ta ko rej lomnak rejimwe im lelok jiban eo jikin ekajet eo enaj loe ekkar.

Kakien ko an Jikin Ekajet

Ejellok melele ilo Paat B in IDEA ej kamo ak kadik jonan maron, mennin aikuj, im jiban ko ewor iomwin Jemenei eo an Amedka, Kakien eo ej Kejbarok Armij in Amedka ro ewor aer Utamwe (Americans with Disabilities Act) an 1990, Taitol V in Kakien eo ej kamo kalijeklok nan Armij ro ewor aer Utamwe nan aer maron Ebok Jiban jen Kien eo an Amedka (Rehabilitation Act) an 1973 (Jekjen 504), ak kakien ko jet an federal rej kejbarok maron ko an rijikuul ro ewor aer utamwe. Botab, ne kwoj bael komadmodin abnono kotaan ruo ak elonlok pade iomwin kakien kein im kwoj kabok jiban eo ewor iomwin Paat B in IDEA, mennin aikuj ko kin komadmodin ien ronjak im emoj komelele ijin lon ej aikuj mōj am kojerbal einwot ejja jonan eo aikuj nan am bael komadmod eo iomwin Paat B in IDEA. Melelein mennin ke ewor mennin jiban ko nan kwe iomwin kakien ko jet rebed iomwin IDEA, botab ilo waween eo ekka, nan am bok jiban iomwin kakien ko jet; kwoj aikuj mokta kojerbal mennin aikuj ko nan komadmodin ien ronjak ejellok kalijeklok nan am boke jiban ko ewor iomwin IDEA mokta jen am kaju etal nan jikin ekajet.

Wonnen ko an Loar

34 CFR §300.517; WAC 392-172A-05120

Melele

Ne kwonaj tobrak (wiin) ilo komadmodin abnono eo ikotaan ruo ak elonlok pade im juon loar ej jutak ikijen, jikin ekajet eo, ilo an make bebe, emaron lewaj wonnen ko an loar emmon jonan einwot mottan wonnen ko am.

Ilo jabdewot jermal ak madmod eo enaj itok iomwin Paat B in IDEA, jikin ekajet eo, ilo an make bebe, emaron lelok wonnen ko emmon an loar einwot wonnen ko nan bukon in jikuul ak OSPI ne rewiiin, nan an loar eo am kollaiki, elane loar eo: (a) ear bael abnono ak keij eo ilo jikin ekajet renaj loe ejab jimwe, ejab jimwe, ak ejellok kamool; **ak** (b) wonmaanlok in ekajet alikin an ien ekajet eo alikar an ejab jimwe, ejab emmon jonan, im ejellok kamool; ak

Ilo jabdewot jermal ak komadmod eo enaj itok iomwin Paat B in IDEA, jikin ekajet eo, ilo an make bebe, emaron lelok wonnen loar ko emmon einwot mottan wonnen ko nan bukon in jikuul ak OSPI ne rewiiin, nan am ak loar eo am kollaiki wonnen, elane kajjitok eo am nan juon komadmodin ien ronjak ak tokelik keij in jikin ekajet emoj kwalok nan jabdewot waween eo ebod, einwot kolelnon, nan komman rumij eo ejellok tokjen, ak nan an ejellok tokjen am komman bwe en lablok wonnen jermal ak komadmod eo.

Lelok Wonnen Ko

Wonnen ko an loar rej aikuj kin wonnen ko an jukjukinbed eo ewiin im komadmod ak ien ronjak eo ear walok nan kain im jonan jermal in jiban ko emoj lelok. Ejellok lablok ak kein orlok remaron kojerbal ilo aer bwinne wonnen ko rej lelok.

Remaron jab lelok wonnen ko an loar, im wonnen ko jet mottan remaron jab karool ilo jabdewot jermal ak komadmod iomwin Paat B in IDEA nan jermal in jiban ko emoj kommane alikin juon leta in jemlok ilo jeje emoj lewaj nan kwe elane:

1. Melele in jemlok eo ear komman iloan ien eo emoj kwalok ilo Kakien 68 in Mennin Aikuj nan Komadmodin Abnono iomwin Kakien ko an Federal ak, ilo waween komadmodin ien

ronjak ak etale eo ilo state, ilo jabdewot ien elablok jen 10 raan mokta jen an jino komadmod eo;

2. Jemlok eo rej lewaj ejab tobrak iloan 10 raan; im
3. Jikin ekajet ak ALJ eo enaj loe ke jiban eo kwar boke ejab emmon nan kwe jen jonan eo rej lewaj ilo jemlok eo.

Jekdoon mo kein, jikin ekajet eo emaron lelok wonnen loar im wonnen ko jet mottan nan kwe elane kwonaj wiin im elab jonan kamool nan kwe ilo am kar jab kotobrak jemlok eo rar lewaj.

Wonnen loar ko remaron jab lewaj ikijen jabdewot kwelok an kumi eo an IEP ijellokun ne kwelok eo ear komman kin juon komadmodin jermal ak jermal an jikin ekajet.

Juon kwelok an jemlok aikuj iomwin mennin aikuj ko an komadmodin ien ronjak rejab watoke juon kwelok eo ear komman kin juon komadmodin ien ronjak ak jermal an jikin ekajet, im rejab bar watoke ej juon komadmodin ien ronjak ak jermal an jikin ekajet nan kakien kein kin wonnen ko an loar.

Jikin ekajet eo emaron kadiklok, einwot ekkar, jonan wonnen ko an loar emoj lelok iomwin Paat B in IDEA, elane jikin ekajet eo enaj loe ke:

1. Kwe, ak loar eo am, ilo ien jermal ak komadmod eo, ejellok wunin am kar karumij jemlok eo aliktata an abnono eo;
2. Jonan wonnen ko an loar emoj komelim aer lelok ejellok wunin an lablok jen wonnen eo an kajojo awa nan jukjukinbed eo ewiin nan jermal ko an loar einwot kin ejja jonan kapeel, bunbun, im iminene in jermal;
3. Jonan ien aer jerbale im jiban in loar ko emoj lelok rekkar lab ilo aer lale jonan jermal ak komadmod eo; ak
4. Loar eo ear jutak ikijem ekkar jab lelok melele eo ejimwe nan bukon eo ilo kojella eo an kajjitok nan komadmod ien ronjak einwot emoj komelele iomwin melele eo itulon *Kajjitok Komadmodin Ien Ronjak*.

Botab, jikin ekajet eo emaron kadiklok wonnen ko elane jikin ekajet eo enaj loe ke ejellok wunin an kar bukon in jikuul eo karumij jemlok eo aliktata in komadmod ak jermal eo ak ekkar rup kakien ko ikijen Kakien ko rej Kejbarok Maron ko an Rijikuul im Baamle an Paat B in IDEA.

Mennin Aikuj ko kin Katak ko kin Bōd ñan Rijikuul ro Remaron Tobrak ñan Special Education

Ewor jet maron in kakien ko ikijen special education nan kwe im ajiri eo nejum ilo ien aer lelok katak kin bōd. Maron kein iomwin kakien rej koba nan mennin aikuj ko ikijen katak kin bōd im rej lelok nan aoleb rijikuul. Maron kein iomwin kakien rej bar jerba nan rijikuul ro rejanin loe aer maron tobrak nan special education elane bukon eo aikuj kar jela ke rijikuul eo emaron naj tobrak.

Maron eo an Rijerbal eo an Jikuul 34 CFR §300.530; WAC 392-172A-05145

Jemlok eo an Kajojo Keij

Rijerbal eo an jikuul emaron bar lomnak kin jabdewot waween ko rejenolok nan kajojo waween ko, ilo ien aer lomnak ne juon oktak in jikin eo rej likut (lale komelele eo nan *Oktak Jikin eo rej Likut kin Komakut ko ikijen Katak kin Bōd*, ijin lal), ekkar komman ilo an loor mennin aikuj ko laajrak ikijen katak kin bōd, im ekkar nan ajiri eo nejum ne ekkar rupe juon kakien an jikuul kin mantin rijikuul.

Melele

Nan jonan eo ke rej bar kommane komadmod eo nan rijikuul ro rejab bok jiban ko an special education, rijerbal eo an jikuul emarn, nan ien eo ejab lablok jen **10 raan in jikuul** kaju, komakuti ajiri eo nejum jen jikin eo rar likut ilo ien in nan juon bar jikin jikuul an kotoan ien, juon bar jikin, ne ejab jejbaane ajiri eo nejum, ilo ien enaj rupe juon kakien kin mantin rijikuul. Rijerbal eo an jikuul emaron bar komman komakut ko relablok elane ajiri eo nejum im ejab lablok jen **10 raan in jikuul** kaju ilo ejja iio in jikuul eo nan kajojo ien ko ekkar wor bōd ilo mantin; toon wot an emakut kein jab komman an wor oktak ilo jikin eo rej likut (lale *Oktak Jikin eo rej Likut kin Komakut ko ikijen Katak kin Bōd* nan komelele eo, ijin lal).

Oktak Jikin eo rej Likut kin Komakut ko ikijen Katak kin Bōd

34 CFR §300.536; WAC 392-172A-05146–05155

Emakut eo an ajiri eo nejum jen jikin jikuul eo rar likut ilo ien in ej juon **Oktak ilo Jikin eo rej Likut** elane:

1. Emakut eo elablok jen 10 raan in jikuul kaju; ak
2. Emoj an lon ien ko rekkar komakuti ajiri eo nejum im ej kwalok ekut an kommane manit kein kinke:
 - a. Ien komakut ko rej aoleben jonon eo elablok jen 10 raan in jikuul ilon juon iio in jikuul;
 - b. Manit eo an ajiri eo nejum elab an einwot manit eo an ilo jorraan ko rekkar walok moktalok im rekkar komman an lon emakut ko; im
 - c. Ewor waween ko jet emoj lomnak einwot jonan aitok in kajojo komakut ko, aoleben jonan ien eo rar komakuti ajiri eo nejum, im jonan ikut in emakut ko nan doon.

Bukon eo an jikuul ej lale elane an ikut emakut ko rej komman an wor oktak ilo jikin eo rej likut rijikuul ekkar nan kajojo waween o, im elane kwonaj jumae, emaron wor etale kin komadmodin ien ronjak im komadmod ko ilo jikin ekajet.

Kojella

Ilo raan eo bukon eo enaj kommane kelet eo nan komakut im ej oktak jikin eo rej likut ajiri eo nejum kinke ewor bōd ilo kakien kin manit eo an rijikuul, aikuj kojellaik kwe kin jemlok eo, im lewaj juon *Kōjella kin Kakien ko rej Kejbarok Maron ko an Rijikuul im Baamle ko Aer ilo aer bōk jibañ ko an Special Education*.

Jibañ ko

Juon bukun aikuj lelok jiban ko nan ajiri eo enjum elane emoj komakut jen jikin eo rar likut ilo ien in iomwin **10 raan in jikuul ak diklok** ilo iiõ in jikuul eo ilo ejja waween eo ej lelok jiban ko nan rijikuul ro rejab bok jiban ko an special education im rekkar bar komakuti er kin ejja waween ko. Kakien ko kin katak kin bõd ilo jikuul eo ekka rej lelok ke ilo ien ewor jejbaan, baer, ak komakut ilo idin ien, bukun eo an jikuul aikuj lelok ien nan rijikuul eo nejum bwe en bok jiban in jikuul nan komman bwe ajiri eo nejum en wonmaanlok in bok kwonaan ilo katak ko ekka ilo jikuul, tobare jonan aikuj ko ikijen jikuul an bukun, im kadedelok kilaaj, joñan kilaaj, im mennin aikuj ko nan an maron kadiwojlok (WAC 392-400-610).

Jiban kein rej aikuj lelok nan ajiri eo nejum, ilo ien emoj komakut jen jikin eo rar likut ilo ien in, remaron lelok ilo juon bar jikin jikuul an kotaan ien.

Ne emoj komakuti ajiri eo nejum jen jikin eo emoj likut ilo ien in iomwin ien eo **elablok jen 10 raan in jikuul**, ajiri eo nejum aikuj:

1. Wonmaanlok in bok jiban ko ilo jikuul, bwe ajiri eo nejum en maron wonmaanlok in bok kwonaan ilo katak ko ekka ilo jikuul, jekdoon ilo bar juon jikin, im wonmaanlok ilo an tobare kotobar ko emoj kalikar ilo IEP eo an; im
2. Elane mantin ajiri eo nejum ewor lomnak wunin nan kar walok ej jen utamwe eo an, rej aikuj bok, einwot ekkar, etale kin manit eo an ilo an makutkut, im jiban ko an mantin im oktak ko, im emoj kommani nan lale bõd eo kin mantin bwe enjab bar kommane.

Alikin ien eo emoj komakut ajiri eo nejum jen jikin eo emoj likut ilo ien in nan **10 raan in jikuul** ilo ejja iiõ in jikuul eo, im **elane** komakut eo ilo ien in ej nan **10 raan in jikuul** kaju ak diklok, **im** elane komakut eo rejab loe ej oktak jikin eo rej likut (lale komelele eo ijin lon), **innem** rijerbal eo an jikuul, ilo aer bok melele ibben ejab diklok jen juon ian rikaki ro an ajiri eo nejum, enaj lale ewi jonan jiban ko rej aikuj bwe ajiri eo nejum en maron wonmaanlok in bok kwonaan ilo katak ko ekka ilo jikuul jekdoon ilo bar juon jikin, im nan an wonmaanlok in tobare kotobar ko emoj kalikar ilo IEP eo an ajiri eo nejum.

Ne aer komakuti ej oktak in jikin eo rej likut (lale komelele eo ijin lon), kumi in IEP eo an ajiri eo nejum enaj lale jiban ko rekkar bwe ajiri eo nejum en maron wonmaanlok in bok kwonaan ilo katak ko ekka ilo jikuul, jekdoon ilo bar juon jikin, im nan an wonmaanlok in tobare kotobar ko emoj kalikar ilo IEP eo.

Melele ko ñan Tomak Wūnin an Walok

Iloan **10 raan in jikuul** kin jabdewot jemlok nan janiji jikin eo emoj likut (lale *Janij in Jikin eo rej Likut Kin Emakut ko rej Ikijen Katak kin Bõd*) ajiri eo nejum kin an kar rupe juon kakien kin mantin rijikuul, bukun eo, ro rekkar uwaan kumi in IEP eo, ilo am im bukun eo naj kalikar, aikuj etale aoleb melele ko rekkar ilo bael eo an ajiri eo nejum, ekoba IEP eo an, jabdewot melele kin waween an rikaki eo lale, im jabdewot melele eo ekkar kwonaj lelok nan komman jemlok:

1. Ne manit eo rej lale ekkar walok jen, ak ekkar kaju im lab jonan an walok jen utamwe eo an ajiri eo nejum; ak
2. Ne manit eo rej lale ekkar kaju walok jen an bukun eo kar likjab in kojejjet kutien IEP eo an ajiri eo nejum.

Ne kumi ko rekkar jen kumi in IEP eo an ajiri eo nejum, ekoba kwe, enaj loe ke ekkar tobrak waween ko, emoj loe ke ewor tomak kin wunin an walok manit eo ej jen utamwe eo an ajiri eo nejum.

Ne kumi eo emoj komelele ijin lon enaj loe ke manit eo rej lale ekkar kaju walok jen an bukon eo likjab in kojejjjet kutien IEP eo, bukon eo aikuj kaju kommane komadmod eo nan jolok likjab kein.

Jemlok eo ke Ewōr Tomak Wūnin an Walok Manit eo ej kin Utamwe eo an Rijikuul

Ilo ien kumi in, ekoba kwe, enaj jemlok ke ewor tomak wunin an walok manit eo ej kin utamwe eo an ajiri eo nejum, kumi in IEP eo aikuj:

1. Kommane juon etale kin manit ilo an makutkut, ijellokun bukon eo ear kommane juon etale kin manit ilo an makutkut mokta jen manit eo ear komman bwe en oktak jikin eo rej likut ilo jikuul, im kojejjjet kutien juon bebe in lelok jiban ikijen mantin nan ajiri eo nejum; ak
2. Ne emoj an kar komman juon bebe in lelok jiban kin mantin, etale bebe in jiban eo nan mantin, im janiji kobban, einwot aikuj, nan lale mantin ajiri eo nejum.

Ijellokun melele ko ijin lal iomwin mottan melele *Wāween ko Rejenolok*, bukon eo aikuj karool ajiri eo nejum nan jikin eo rar komakuti, ijellokun kwe im bukon eo enaj erra ke an oktak jikin eo rej likut ej mottan janij ko kobban bebe in lelok jiban kin mantin.

Maron eo Juon

Ne manit eo ear rupe kakien eo kin mantin rijikuul rekkar jab tomak ej walok jen utamwe eo an ajiri eo nejum (lale *Melele ko ñan Tomak Wūnin an Walok*, ijin lon) im katak eo kin böd ej komman oktak ilo jikin an katak enaj lablok jen kaju **10 raan in jikuul**, rijerbal in jikuul eo emaron lelok mennin aikuj ko ikijen katak kin böd ñan ajiri eo nejum ilo ejja wāween im joñan ien enkar ñan rijikuul ro rejab jikuul ilo special education, ijellokun jikuul eo aikuj lelok jibañ ko ñan ajiri eo nejum einwot emoj komelele ijin lon iomwin *Jiban ko*. Kumi in IEP eo an ajiri eo nejum enaj kelet jikin eo juon ilo jikuul renaj likūt ajiri eo nejum ilo kōtaan ien ñan aer lelok jibañ ñan ajiri eo nejum ilo wāween in.

Waween ko Rejenolok

Rijerbal ro an jikuul remaron jolok ajiri eo nejum nan juon jikin jikuul eo oktak ilo kottaan ien (einwot an kumi in IEP eo an rijikuul eo nejum loe), jekdoon ne manit eo an ajiri eo nejum ekkar ak ekkar jab melele eo ewor tomak ke ekkar walok jen utamwe eo an, lok nan 45 raan in jikuul, elane ear:

1. Jibwe juon kein uror (lale komelele eo ijin lal) nan jikuul ak ewor kein uror ilo jikuul, ilo melan ko an jikuul, ak ilo juon makutkut an jikuul im ewor an bukon eo maron in kakien;
2. Ejela an kar ak ej kojerbal wuno ko rekajur im remo iomwin kakien (lale komelele eo ijin lal), ak ej wia kake ak kajjitok juon wuno kajur, (lale komelele eo ijin lal), ilo ien an bed ilo jikuul, ilo melan ko an jikuul, ak ilo makutkut eo an jikuul iomwin maron in kakien eo an bukon; ak
3. Emoj an walok jorraan ilo enbwinin (lale komelele eo ijin lal) nan bar juon armij ilo ien an bed ilo jikuul, ilo melan ko an jikuul, ak ilo makutkut eo an jikuul im ewor an bukon eo maron in kakien.

Komelele ko

- *Wuno kajur ko* ej melelein wuno kajur ak bar juon kain eo emoj komelele iomwin laajrak ko I, II, III, IV, ak V ilo jekjen 202(c) eo an Controlled Substances Act (Kakien ko kin Wuno Kajur) (21 U.S.C. 812(c)).
- *Wuno kajur eo emo iomwin kakien* ej melelein juon wuno kajur; botab ejab koba juon wuno kajur eo emelim iomwin kakien nan jibwe ak kojobale iomwin an juon taktö eo ewor an laijen lale kwe ak emelim iomwin kakien in jibwe ak kojobale iomwin jabdewot maron iomwin Kakien ak iomwin jabdewot bar kakien an federal.
- *Jorraan kauwotata nan enbwin* ej melelein juon jorraan ilo enbwin ekoba: juon uwota elab nan mij; lab metak ilo enbwin; bulak im walok an wor jorraan; ak jako ak jorraan an jermal juon mottan, kobban, ak jikin ilo enbwin.
- *Kein uror* ej melelein juon mejin, kein jermal, peba, ak wuno kajur, riabin, ak kein ikkure eo emoj kojobal nan, ak emaron lukkun, komman mij ak komman jorraan kauwotata ilo enbwin, ijellokun ne melele eo ejab koba juon pakpok in bajo ewor ekan eo ediklok jen ruo im juon jimettan inj in an aitok.

Emoj Loe Jikin Eo

34 CFR § 300.531; WAC 392-172A-05145; WAC 392-172A-05149

Kumi eo an IEP aikuj lale jikin jikuul eo juon ilo kotaan ien nan komakut ko rej **Oktak nan Jikin eo rej Likut**, im komakut ko rej iomwin melele **Maron eo Elablok** im **Waween ko Rejenolok**, ijin lon.

Jumae Jemlok ko kin Jikin ko Rej Likut Rijikuul im Melele ko ñan Tomak Wūnin an Walok (Mennin Aikuj ko nan Komadmodin Ien Ronjak nan Katak kin Böd)

34 CFR § 300.532; WAC 392-172A-05160

Kwomaron bael ae juon kajjitok nan komadmodin ien ronjak elane kwojab erra kin:

1. Jabdewot jemlok ikijen jikin eo rej likut ajiri eo nejum iomwin kakien kein kin katak kin böd; ak
2. Ewor melele in tomak wūnin an walok im emoj komelele ijin lon.

Bukon eo emaron bael ae juon kajjitok nan komadmodin ien ronjak elane ej tomak ke an kejbarok an ajiri eo nejum bed ilo jikin eo emoj likut ilo ien in elab an maron komman an ajiri eo nejum ak ro jet jorraan.

Lale jekjen eo **Mennin Aikuj ko kin Komadmodin Ien Ronjak** nan melele ko relablok kin bael kajjitok nan komadmodin ien ronjak.

Maron eo an Jāj ro rej Komadmod Kakien (ALJ)

Juon ALJ aikuj kommane komadmodin ien ronjak im kommane juon jemlok. ALJ eo emaron:

1. Karool ajiri eo nejum nan jikin eo rekkar likut im komakut jene elane ALJ eo enaj loe ke emakut eo ekkar rupe mennin aikuj ko emoj komelele iomwin melele eo *Maron eo an Rijerbal eo an Jikuul*, ak ne mantin ajiri eo rej tomak ekkar walok jen utamwe eo an; ak
2. Kakien oktak nan jikin eo rej likut ajiri eo nejum nan juon bar jikin jikuul eo ekkar ilo kotaan ien, im ejab lablok jen 45 raan in jikuul elane ALJ eo enaj loe ke an wonmaanlok bwe jikin eo emoj likut ilo ien in emaron lab an lelok jorraan nan ajiri eo nejum ak ro jet.

Komadmodin ien ronjak kein remaron bar komman, elane bukon eo ej tomak in karool ajrii eo nejum nan jikin eo rekkar likut mokta bwe elab an maron komman jorraan nan ajiri eo nejum ak ro jet.

Jabdwot ien kwe ak bukon eo enaj kajjitok juon komadmodin ien ronjak, kajjitok eo aikuj kotobrak mennin aikuj ko emoj komelele iomwin melele ko *Mennin Aikuj ko nan Kajjitok Komamodin Ien Ronjak im Komadmodin Ien Ronjak ko*, ijellokun waween ko laajrak:

1. Komadmodin ien ronjak eo emoj komokaj im aikuj komman iloan **20** raan in jikuul jen raan eo emoj kajjitoke ien ronjak eo. ALJ aikuj lewaj juon jemlok iloan **10** raan in jikuul alikin ien ronjak eo.
2. Ijellokun kwe im bukon eo enaj erra ilo jeje in jolok kwelok eo, ak erra in kojerbal ien bebe, juon kwelok in bukot jemlok aikuj komman iloan **jilimjuon** raan jen raan eo kwar bael ae kajjitok in komadmodin ien ronjak eo ibben OAH im bukon eo. Ien ronjak eo emaron wonmaanlok ijellokun emoj loe jemlok in melele eo im emoj an kabun buruen pade ro jimor iloan **15** raan in aer loe kajjitok eo nan komadmodin ien ronjak.

Kwe ak bukon eo an jikuul emaron jinoe juon komadmod ilo jikin ekajet ikotaan ruo ak elonlok pade, jumae jemlok eo ilo juon komadmodin ien ronjak emoj komokajlok ilo ejja waween eo jemlok ko an juon ikijen komadmodin ien ronjak ko ikijen special education im rejab ikijen katak kin bōd (lale *Jemlok eo Alikтата; Jumae ko*, ijin lon).

Jikin eo Renaj Likut ilo Komadmodin Ien Ronjak ko Emoj Komokajlok

34 CFR §300.533; WAC 392-172A-05165

Ilo ien kwe im bukon eo ear bael kajjitok in komadmodin ien ronjak ikijen melele ko kin katak kin bōd, ijellokun ne kwe im bukon eo enaj erra ñan juon bebe oktak, ajiri eo nejum aikuj bed ilo jikin eo ej jikuul ilo kotaan ien im kattare jemlok eo jen opija eo an ien ronjak, ne ejab mae ien ejemlok ien komakut eo, im emoj komelele iomwin *Maron eo an Rijerbal in Jikuul*, waween eo wot ewalok mokta.

Kakien ko rej Kejbarok Rijikuul ro Rejanin de Tobrak ñan Special Education im Jiban ko Mottan

34 CFR §300.534; WAC 392-172A-05170

Melele

Ne emoj loe ke ajiri eo nejum emaron tobrak nan jiban ko an special education im jiban ko mottan, im enaj rupe juon kakien kin mantin, kwmaron kojerbal kakien ko rej kejbarok maron ko an ajrii eo nejum elane bukon eo emoj jela ke ajiri eo nejum enkar kommane juon etale im loe ke emaron tobrak nan jiban ko an special education mokta jen an manit eo ej komman komadmodin katak kin bōd walok.

Wūnin Jela kin Melele ko ikijen Katak kin Bōd

Rej aikuj loe ke ewor melele ibben bukon ke ajiri eo nejum emaron tobrak nan special education elane, moke jen an komadmodin katak in bōd eo walok:

1. Kwar kwalok abnono ilo jeje ke ajiri eo nejum aikuj jiban ko ikijen special education im jiban ko mottan nan supervisor ak rijerbal eo ej komadmod an bukon in jikuul eo, ak nan rikaki eo an ajiri eo nejum;
2. Kwar kajjitok juon etale ikijen an ajiri eo nejum maron tobrak nan special education im jiban ko mottan iomwin Paat B in IDEA; ak
3. Rikaki eo an ajiri eo nejum, bar juon rijerbal an bukon, ear kwalok jejetin abnono ko kin an ajiri eo nejum beddo kommane manit eo im ear kaju lok nan director eo an special education ilo bukon eo, ak bar juon rijerbal eo ej supervisor an bukon.

Emoj Komelim Ejab Aikuj

Bukon eo ear jab loe ke ewor melele ibben elane:

1. Kwar jab komelim etale eo an ajiri eo nejum ak kwar makoko aer lelok jiban in special education; ak
2. Emoj etale ajiri eo nejum im loe ke ejab maron tobrak in bok jiban ko ikijen special education.

Waween io rej Jerbal elañe Ejellok Wunin Jela

Ne bukon eo ejab jela ke ajiri eo nejum emaron tobrak nan special education, mokta jen an lelok katak ko kin bōd ko ajiri eo nejum ear kommane, einwot emoj komelele ijin lon iomwin mottan melele eo *Wunin Melele kin Waween ko rej Lelok Katak kin Bōd* im *Emoj Komelim Ejab Aikuj*, ajiri eo nejum emaron aikuj loor waween ko nan lelok katak kin bōd im rej etal nan rijikuul ro rejab ebok jiban in special education im rej bar bok kwonaer in kommani manit ko einwot.

Botab, elane kwe ak bukon eo enaj kajjitok juon etale nan ajiri eo nejum ilo ien eo im rej aikuj lale jonan bōd ko ekkar kommane, etale eo aikuj komman ilo waween eo emokaj.

Mae ien emoj an dedelok etale eo, ajiri eo nejum enaj bed wot ilo jikin eo emoj likut im emoj an rijerbal in jikuul ro ba, im emaron koba jejbaan ak baer ilo aer jab lelok jiban ko ilo jikuul.

Ne emoj loe ke ajiri eo nejum emaron tobrak nan jiban ko an special education, lomnak kin melele eo jen etale eo bukon eo ej kommane, im melele eo kwar lelok, bukon eo aikuj lelok jiban ko an special education im jiban ko mottan nan ajiri eo nejum im loor mennin aikuj ko kin manit ko ej kommani im emoj komelele ijin lon.

Lemaanlok im Komadmod jen ibben Bulijmaan im Rijerbal ro ilo Jikin Ekajet

34 CFR §300.535; WAC 392-172A-05175

Paat B in IDEA ejab:

1. Kamo an juon jikuul in bukon ripoot kin bōd in kakien eo juon ajiri ear kommane im emaron tobrak nan special education nan opij ko rekkar; ak
2. Komman an bulijmaan ro an state im opij in kakien ko kojerbal eddo in jermal ko aer ikijen aer kojerbal kakien ko an federal im state nan bōd eo ajiri eo nejum ekkar kommane.

Lemaanlok Rekoot

Ne bukon eo enaj kojella kin juon bōd in kakien ajiri eo nejum ear kommane, bukon eo:

1. Aikuj loloorjak ke kabe in rekoot in special education ko an ajiri eo nejum im rekoot kin katak kin bōd ko ear kommane renaj lemaanlok nan an opij ko lomnak kaki im opij eo ej kojellaik bōd eo ñane; im
2. Emaron lemaanlok kabe in rekoot in special education ko an ajiri eo nejum im rekoot kin bōd ko ekkar kommane wot nan joñan eo emelim iomwin FERPA.

Mennin Aikuj ko ñan an Jinen ak Jemen wōt Likūt Rijikuul ro ilo Jikuul ko Rejab an Kien im Kien ej Kolla

Wonnen aer Jikuul Ilo ien Ewōr Abnono kin FAPE

CFR § 300.148; WAC 392-172A-04115

Ne kwoj tomak bukon in jikuul eo am ejab maron lelok juon FAPE nan ajiri eo nejum im kwoj kelet in kadelon etan ajiri eo nejum ilo juon jikuul ejab an kien ilo an bukon eo jab erra, ewor jejetin bunten ko kwoj aikuj loor nan kajjitok an rool waj wonnen eo jen bukon nan wonnen jikuul eo ejab an kien.

Karoollok Wonnen Likut Ajiri eo ilo Jikuul eo Ejab an Kien

Ne ajiri eo nejum ekkar bok jiban in special education moktalok im jiban ko jet mottan jen juon bukon in jikuul, im kwoj kelet in kadelon etan ajiri eo nejum ilo juon preschool, elementary school, ak jikuul eo eutiejlak ejab an kien ilo an ejellok komelim ak jermal in lemaanlok jen bukon, juon jikin ekajet ak juon ALJ emaron kajjitok an bukon eo karool waj wonnen kadelon etan elane jikin ekajet ak ALJ eo enaj loe ke bukon eo an jikuul ear jab lewaj juon FAPE nan ajiri eo nejum ilo jejetin ien mokta jen am kar kadelon etan im ke ekkar an delon etan ilo jikuul eo ejab an kien. Jikin ekajet ak juon ALJ emaron loe ke ekkar jikuul eo kwar likut ajiri eo, jekdoon ne jikuul eo kwar likut ae ejab kotobrak jonan aikuj ko an state im rej ikijen jikuul im emoj lelok nan bukon ko.

Jemlokin Ien Karool Waj Wonnen

Wonnen karool waj wonnen eo emoj komelele ilo parakoraap eo ijin lon emaron diklok ne ejab jab tobrak:

1. Elane: (a) Ilo ien kwelok in IEP eo aliktata eo kwar jab etal nane mokta jen aer komakut ajiri eo nejum jen jikuul eo an kien, kwar jab kojellaik kumi in IEP eo ke kwojab kotobrak jikin eo

rej likut im emoj an bukon eo bebe in lelok FAPE eo nan ajiri eo nejum, ekoba am kwalok abnono ko am kin am konaan kadelon ajiri eo nejum ilo juon jikuul ejab an kien ilo an kien kolla wonnen; ak (b) Ejab diklok jen 10 raan in bejne (ekoba jabdewot raan in holiday ko renaj walok ilo raan in bejne) mokta jen aer komakut ajiri eo nejum jen jikuul eo an kien, kwar jab lelok kojella ilo jeje nan bukon eo kin melele eo;

2. Elane, mokta jen aer komakut ajiri eo nejum jen jikuul eo an kien, bukon eo ear lewaj peba in ej juon kojella kin jemlok ko kin aoleb melele ko emōj lelok, kin an konaan etale ajiri eo nejum (ekoba peba in kamool kin wunin etale eo im ekkar an emmon jonan), botab kwar jab komman bwe ren etale ajiri eo nejum; ak
3. Ilo ien jikin ekajet eo enaj loe ke emmon jonan makutkut ko kwar kommane.

Botab, wonnen eo ñan karool waj:

1. Emaron jab diklok ak jab tobrak kin am kar likjab in lelok kojella elane: (a) jikuul eo ear komman am jab lelok kojella; ak (b) kwar jab loe kojella eo ke am eddo in lelok kojella eo emoj komelele ijin lon; im
2. Emaron, ilo kelet eo an jikin ekajet ak ALJ eo, bwe enjab diklok ak jab tobrak kin am likjab in lelok kojella eo ej mennin aikuj elane: (a) kwojab jela riit ak kwojab jeje ilo Kajin Belle; ak (b) loor mennin aikuj eo ijin lon emaron jemlok ilo an lelok uwota in lomnak nan ajiri eo nejum.

MENNIN JIBAÑ KO

Ne ewor am kajjitok kin Kakien ko rej Kejbarok Maron ko an Rijikuul im Baamle, jouj im kebaak bukon in jikuul eo am ne ejab OSPI nan melele ko relablok:

OSPI

PO Box 47200

Olympia, WA 98504

360-725-6075

speced@k12.wa.us

[Web peij eo an OSPI - Special Education](#)

[Web peij eo an OSPI - Special Education – Baamle ko](#)

Doulul eo kien ej kolla wonnen ijin lal emaron lelok melele ko relablok kin jiban in special education ko ilo state eo an Washington:

[\(Doulul eo ej Kakoba Jikin ko rej Jerbal Ibben Doon ñan Lelok Kakajur \(PAVE\)\)](#)

6316 South 12th Street

Tacoma, WA 98465

(800) 5-PARENT (v/tty)

e-mail: pave@wapave.org

Website: [\(Doulul eo ej Kakoba Jikin ko rej Jerbal Ibben Doon ñan Lelok Kakajur \(PAVE\)\)](#)

KŌJELLA KIN KAKIEN



Ijellokun ne emoj kalikar, jermal in jen ibben [Washington Office of Superintendent of Public Instruction](#) ewor an laijen iomwin [Laijen eo ej lelok Kōmelim nin Kōjerba Jerbal Kapeel ko an Kajojo Armij](#). Aoleb pija logo im kakolle in etan bejne j ko rej mweien oner ro aer kajojo. Jekjen ko emoj kojerbal iomwin kakien eo nan kojerbal ilo ejellok kalijeklok (17 U.S.C. § 107) emoj kakolle.

Laijen ko ilo peba ko jet kin jonan an armij eo ej kojerbale komelim emoj lukkun kalikar iturin jejetin melele eo ilo peba kein.

Mennin jiban in emaron koba link nan website ko pade ro kein kajilu rej komadmode. Rej lewaj link kein nan kwe nan kapidodo waj wot im rejab kwalok ak kalikar jabdewot melele ke emoj an OSPI kamool ak lale.

Ne renaj bok jermal in, komemej bwe oktak ko relab im an oktak etan taitol, jolok jabdewot pija logo ko an Ritol in Jikuul in Kien ko an Washington. Letok melele eo laajrak nan kakobaba:

"Mennin jiban in emoj kar boke jen peba ko jinoin emoj kar letok jen ibben Opij eo an Ritol in Jikuul in Kien. Kwomaron loe peba ko jinoin ilo [OSPI – Special Education](#).

OSPI ej lelok bwe en jonan wot juon an aoleb maron kojerbal burokraam im jermal in jiban ilo ejellok kalijeklok kin an armij kora ak emmaan, riia, tomak, kabun, kalor in kil, lal eo juon ear ejaak jene, elane ej juon veteran eo emoj kar kile an diwojlok ak jonan juon ritarinae, waween an juon kalikar ak kwalok ne ae kora ak emmaan, an walok jabdewot utamwe ilo an juon lolakijen, ilo komelij, ak enbwin, ak an juon kojerbal kidu nan tolle ak bar juon menninmour eo ej jiban juon eo ewor an utamwe. Kajjitok im abnono ko kin an wor nae ruen an kar wor kalijeklok rej aikuj etal nan Director eo an Equity and Civil Rights (Jimwe im Maron ko an Armij Iomwin Kakien) ilo 360-725-6162 ñe ejab P.O. Box 47200 Olympia, WA 98504-7200.

Download ae peba in ilo PDF ilo [OSPI – Special Education – Kakien ko rej Kejbarok Maron ko an Rijikuul im Baamle](#). Ewor melele in ilo waween ko jet ilo ien ewor kajjitok. Kebaak Jikin Jibañ eo ilo 888-595-3276, TTY 360-664-3631. Jouj im lale nombra eo an peba in ñan an mokajlok amim lewaj jibañ: 22-0005.



**ESTD
1889**

*Emoj kebooj aoleb rijikuul nan jikuul ilo kaloj ko, jermal,
im aer bok kwonaer ilo jukjukinbed ko.*



Washington Office of Superintendent of
PUBLIC INSTRUCTION

Chris Reykdal | State Superintendent
Office of Superintendent of Public Instruction
Old Capitol Building | P.O. Box 47200
Olympia, WA 98504-7200